

道古堂全集



和¹⁶
976
9



門和16
號276
卷9

道古堂文集卷四十三

仁和 杭世駿 大宗撰

墓誌銘 四

封承德郎江南淮南儀所監掣通判查君墓誌銘
君姓查氏諱日乾字天行高祖考秀自江西臨川北遷
順天之宛平曾祖考忠中前明萬歷己酉科副榜祖考
國英國子監生考如鑑江都縣縣丞以勤死官君生三
歲而孤母夫人劉以育以教姊葦山陰馬章玉知儀徵
縣事迎之往除夕陳諸裘服恣親串所欲取君年甫十
二獨端坐不為動既長奉母來天津時倉場總督洪公



尼喀順天府尹劉公元慧皆先人生死交數請相見久始報謁卒不一通竿牘有爲讎所誣陷京兆獄獄急闔室聚泣不知所爲君聞之立白府尹直其事德君甚奉三千金爲壽君笑曰某故貧肯爲京兆鬻獄哉卒却之後用鹽筴家漸起長蘆逋賦累萬艱於稽核朝使來熟君名坐之堂上諏詢條目君口陳手畫洞中窾會匝月悉定又以商力彫剋陳議爲善後計使者用其言上請利貽至今天津爲禹貢九河下游白衛二河水遇淫雨輒建瓴而下孤城縣水中廣野無廬井君倡首設賑屢拯民于墊阨全活無算制府彭城公上其事天聽

匪遠寵賁旋及環城隄岸如渠黃口老君堂教場單街等地衝決不時夙稱險要君謂宜先事修築從臾齎使疏入得報君親督畚鍤增高蘊厚卒用安堵長蘆奏銷屆時官商屢以稽緩呈吏議君措施有方藉以全者不形德於脣吻城西旅舍數十區每歲逼除客之不能舉火者君陰爲償之歷久無怠色晚乃敕家事放意山水抱德煬和用臻大耋而末疾不嬰死期豫刻斯亦奇矣君長身鶴立音旨洪朗料事若神應變不測攬環贈珮之好幾徧天下而生死不相負山陰王揆長洲談汝龍會稽陶良玉先後客死京師皆親視含斂以輜車數千

里歸其喪山陰胡捷俞啟文歿無以爲斂皆始終理其
後事太原郭氏貲累鉅萬託藐孤于君君翼而長之弭
其內難家賴以不毀母夫人大革時緣事繫都門不能
盡大事痛毀幾絕得歸營葬築室墓旁三年不忍去墓
園所自號也讀書不爲章句於史事尤精撰史腴若干
卷嘗曰學不爲世用縱文采彪炳猶瑤檝之不可以川
玉弦之不可以矢也雍正九年以子爲義貴封承德
郎江南太平府通判十三年覃封如故改江南淮南
儀所監掣通判配山陰馬氏子男三長爲仁次爲義次
學禮女一適山陰李元皆側室徐州王氏出孫男六人

孫女九人君以乾隆六年五月十二日卒年七十有五
訃旣告知與不知皆太息其行義戚屬號咷失所宗仰
余與君諸子交特深重以婚姻之好孤子等將以乾隆
七年二月十二日葬君於三河縣百草溝之新塋哀前
事來乞銘銘曰

讀一篋書將以爲世須孰守而窒孰施而迂推之行之
管此寸樞望德而趨有諾勿違迹其耐嘔豈爲鄉閭往
不可諛來者庸可誣徵我惇史盡而不汙

朝議大夫候補主事加二級馬君墓誌銘

君諱曰瑄字秋玉別字嶰谷姓馬氏系出漢新息侯援
迨宋末造丞相廷鸞隸籍鄱陽生五子季爲端益始遷
婺再傳爲真三始籍祁門世遂爲祁門人曾祖大級前
明諸生祖承運州倅始家于揚考謙州司馬兩世皆以
君貴贈朝議大夫妣洪氏生妣陳氏皆封恭人洪恭人
生二子長曰康早殤次曰楚以後世父陳恭人生君及
季弟曰璐君至性過人事贈公暨兩恭人以純孝稱及
長德器端凝不苟訾笑授經後據案堅坐矻然如老儒
說經嶽嶽不可撼難兄穉弟考校文藝評隲史傳旁逮

金石文字自相師友後雖授室風雪淒其未嘗不抵足
聯牀恒曰吾三人如一體不能暫分也年二十三歸試
祁門充學官弟子贈公棄養仲兄又以哭母哀毀而卒
君搢拄艱鉅而前業克光以濟人利物爲本懷以設誠
致行爲實務爲粥以食江都之餓人出粟以振鎮江之
昏墊開揚城之溝渠而重隄不病築漁亭之孔道而擔
負稱便葺祠宇以收族建書院以育才設義渡以通往
來造救生船以拯覆溺冬綿夏帳殯死醫羸仁義所施
各當其阨若夫傾接文儒善交久敬意所未達輒逆探
以適其欲錢唐范鎮長洲樓綺年長未婚擇配以完家

室錢唐厲徵君六十無子割宅以蓄華妍勾甬全吉士
被染惡疾懸多金以勵醫師天門唐太史客死維揚厚
賻以歸其喪勾吳陸某病旣亟買舟疾趨以就君曰是
能殯我石交零謝歲時周卹其孥者指不勝屈也詩骨
清峻閉戶湛思輒壓儕偶合四方名碩結社韓江人比
之漢上題襟玉山雅集性耽山水京口三山中吳洞庭
林屋之勝足跡幾徧著詩十卷今世所行沙河逸老集
是也 翠華南幸迎 駕江壖
天子親問姓名兩 賜御書克食寵遇優渥是冬入祝
聖母萬壽於慈寧宮荷豐貂宮紵之賜君感激奮勉凡

遇公家之事不避艱險往來金陵攝山中賜歸及旬竟以不起春秋六十有八時乾隆乙亥六月二十一日也
誥封朝議大夫候補主事加二級 欽授道銜 恩加頂帶一級配歙邑汪氏 誥封恭人後六年卒無子以弟曰璐子振伯爲後乾隆某年月日日璐卜地於廣陵某山之陽合葬於陳恭人兆次來乞銘銘曰
山巒巒兮水沄沄有弟蓬蓽葬厥昆松謾謾兮日杲杲有子扱衽收厥考涕唾貨賄不足言義問出地如雷奔篋無遺金哀此殫人廩有仁粟復我邦族生能廉頑沒可祭社舌傲筆剞最其大者嗚呼天心至理難假以君

豐博宜享康茂胡算不盈而止中壽霄路旣登鳳羽其
翮胡甘斂退名位不大豐其清聲嗇以厚實玄堂琢銘
我無慚色讓德考行視此樂石

候補主事趙君墓誌銘

君諱方觀字用賓號松廬姓趙氏世爲順天之武清縣人王考之篆有聲膠庠以兄左僉都御史之符之子珣爲後卽君考也康熙壬戌成進士授中書科中書舍人擢吏部累官河南提學僉事君生五歲喪其所生哀慟若成童長益穎異十五爲學官弟子越歲餼其廩米康熙壬午舉於鄉遊道日廣華問游美三就禮部不見收一避嫌不得試訖無愠容已而僉事公視河南學君侍行聞詩對易出其家法以佐提論入郡一風英淑蔚起滿歲僉事公僑寓黎陽將老焉而君亦不得志於進取

循例謁選人會僉事公疾大作與弟方頤瘁力醫藥不可請禱不可請減已算比棄養毀幾滅性服既闋大興黃公叔琳以吏部左侍郎出撫兩浙廉君賢薦於朝召見稱旨立命以主事權杭州北新關稅關務向領於撫臣檄一丞倅主之官攝而權輕豪胥舞智囊橐爲奸故商困而額屢缺君下車搜剔前弊杖其魁一切陋例悉報罷不數月黃公以蜚語去後事者疑君有秘密相偵察吹毛索瘢不寒而栗遂請解組亟歸而難君者卒不得一閒乃自知其中讒之深也君有用世之才一試不得意既歸不復求出推落崖岸浮湛閭里近十五

載以乾隆元年月日考終牖下年六十有六君篤于門內之行事繼母如母事兩叔母如繼母一味之甘必獻而後嘗補衣縮食躬自儉約解推所及累什百而不惜也其孤脊將以某月日卜葬君于北倉先塋之次以配卜宜人耐宜人固安名族侍御諱峻超之女博習書傳通識大體先君二十年卒君有六子九女子惟脊存女殤者五嫁者四皆士族觀察冕君親弟子也代脊來乞

銘銘曰

豐其文不豐其遇讒夫孔昌力枝拄卷而懷焉仁義寓北倉之原美幽宮月夕卜夕懿壺從維千百世銘永終

道古堂文集卷四十三
墓誌銘
其文不豐其德蓋大非昌八封世卷所難盡也
其文不豐其德蓋大非昌八封世卷所難盡也
其文不豐其德蓋大非昌八封世卷所難盡也
其文不豐其德蓋大非昌八封世卷所難盡也
其文不豐其德蓋大非昌八封世卷所難盡也
其文不豐其德蓋大非昌八封世卷所難盡也
其文不豐其德蓋大非昌八封世卷所難盡也
其文不豐其德蓋大非昌八封世卷所難盡也
其文不豐其德蓋大非昌八封世卷所難盡也
其文不豐其德蓋大非昌八封世卷所難盡也

封文林郎許君墓誌銘

吾讀九靈山人所撰殷德輅墓志何其與吾友樂亭許君相似也山人序德輅所折獄者八九事出其被寃者多至二十人釋其株逮者多至八十人晚年憂先人墓廬圯廢謝事歸治田築室於先墓之側屬其子從大儒先生學以紹隆其先業德輅起家縣吏終縉雲縣幕而其治效乃與漢于公張釋之等豈在居顯位都尊官哉樂亭與吾借遊黌序有聲名未三十卽棄諸生服出叅人幕余嘗哂其急於謀食不知掇科第取青紫無顯揚之志旣而其子鉞舉於鄉又三十載而其孫學范復舉

京兆試余固謂讀書不食報不於身必於子孫則又疑其如于公之有陰德而莫得其端倪既而憬然悟邐然興曰其在斷獄乎獄有小大歐陽子云求其生而不得則生者與死者均無憾也君持此意以終身獄之有冤濫者寡矣至其小事外之株繫貧民失業或以畏死或以飢寒疾疫而瘦死此治獄者不失之踈緩卽失之迂謹也君行年七十有六經歷燕齊秦閩之區者踰四十年此四十年中所全活者或二十人或不止二十人所省釋者或八十人或不止八十人積功累行而不自知卽其子孫亦不知旁觀之人孰有載筆而爆其事者此

于公所謂陰德也許氏自再從以下四十餘棺未葬君深以爲疚買地於橫山之陽自平涼命孫學范歸營春秋窆窆之事依古族葬之禮無問親踈遠近悉斬板而封之及學范成進士從弟堅曰此吾兄澤及枯骨之報也嗚呼君於斷獄所謂生死而肉骨者不知凡幾而謂自炫以求報哉責報於天尙可謂之陰德哉君名堯堂字樂亭曾祖維新有鶴峰集十五卷祖機邑諸生有萍影集十卷父熒以孫貴馳贈如其官三世皆隱而不耀至君子孫始以科第顯弟整早卒遺孤二曰鈞曰銘教之成立長而筮仕皆有几案之才筮宅煊契以妥闔族

之幽宮鈞銘所行視也君晚景恬愉就養子舍優游觀
化歲在庚寅六月七日考終鹽茶官署娶海寧張氏先
君十八年卒贈宜人子二鉞平涼府鹽茶同知鑑國子
監生女一適錢邑庠生趙鏞孫三學韓殤學范乾隆壬
辰進士學文尙幼曾孫二乃順乃大曾孫女三人鉞自
平涼反杭將以某年月日穿張宜人之窀而合葬焉求
如九靈山人銘其墓而不得其人也以屬余是中銘法
宜爲銘銘曰

刑鼎菌蠢宜饗殮中涵厚澤種子孫晉州虎冠晝殺人
狡援獨子畱侍親以李代僵全厥元法官向以故殺論

望天無路終戴盆有父控訴駢奔三刺三又宏

天恩爲理出之以不寃毳衣如焚車啍啍輿誦載路喧
平反穀梁攘善譏伯尊我詰過庭知其原例其用意他
可援胡取一一形諸言不信視我銘辭傳

百對時姐一... 平又嫌梁善... 天恩為豐山... 望天無祖...

封儒林郎衢州府學教授翟君墓誌銘

君姓翟氏諱之瑞字龍文號澗舍先世自汴來杭居仁
和縣臨江鄉曾祖明宇前明處士祖朝英舉鄉飲賓父
士奇國子生 贈文林郎母施氏 贈孺人生三子君
其季也幼侗儻有大志讀書自塾師所授外雜覽史籍
旁及五行三式之學臨摹古人墨蹟作擘窠大書躍馬
左右射跌宕豪縱意不可一世弱冠理家政偕伯兄璘
侍堂上曲盡孝養嚴父棄養時伯仲皆先卒君獨任大
事哀毀如禮卜吉西湖之積慶山葬當沍寒說者謂築
壙土欲不越宿越宿則乾與濕強為黏屬春氣發蟄久

道古堂文集卷之三
仍離渙君感其說親操畚杵七晝夜趨事風雪中事歲
買田築室以供祭事藏主祔之所君用財有程限至是
以先人窀穸之故費幾不貲前售地者以益價脅君於
訟屢讞直君猶未已或說君曰彼挾已葬之勢作無厭
之求益退讓益健并力而致於理彼且避不暇矣君曰
吾故熟思之吾先人厚德起家今當窆兆而使人獲戾
非先志也終不校訟者亦息母夫人卒哀禮一如前時
從朱子分葬說別選地龍門山松楸版築獨力任之不
以預兄子也嗚呼君之於其親也養生送死如此其盡
禮也大本立矣遠族翟欽甫君德等代絕數世皆厝淺

士爲買地作十五冢三時祭之兄子永無子娶妾有身
不相安君畜之別室子婉而復三黨中有衰替者或喪
不能殯者發而無倚者壯未有嗣及昏姻失時者皆量
力濟其厚薄君急人之病其天性而能極其志之所欲
施又如此乎其肫且摯也老益篤於青烏青囊之書手
自評校寒暑不輟著有地理評論驗方集鈔若干卷遊
宴飲食之會概謝弗與有以父母葬事請者欣然從之
風雨登頓不恤也按古方製諸藥療貧者有乞雖夜必
起行之且數十年同里吳穎芳嘗論君有三反性剛毅
不可犯而或以非禮干之輒恕不與校御子孫未嘗假

以辭色而畜輿臺僕從甚寬食蔬衣布不爲已身妄費
一錢而于致孝養周急矜無資不計其費是真能道君
者君寡嗜欲善攝生迨老猶禁寒暑儼捷如少年偶示
微疾遂不起屬纊時鼻筋垂寸許汗拭皆香蓋夙具靈
根而不自戕賊彼教之所謂宿因吾儒之所謂全而歸
也時乾隆壬午十月二十五日距君之生康熙辛未四
月二十一日春秋七十有二候選州同知以次子灝進
士官衢州府教授 晉封儒林郎配高氏 封安人有
賢行子九人曰濤曰灝曰泮曰泰曰潮曰涵曰治曰瀚
曰澍泰早殤潮澍先卒女一人適黃槐孫八人以權以

彬以根以棻以挺以稜以標以束曾孫熙元熙敬孤濤
等以甲申十一月二十五日葬君蓮花峯陽君所自相
也來乞銘濤灝偕余交游久知君潛德中銘法乃銘曰
禮墓大夫執斧蒞葬堂斧夏屋孰治孰創收子葬翁斬
版而封霜標雨杵克艱厥躬猗吁仁孝施由親始孰爲
窮嫠孰爲窶子病于我乎藥死于我乎崩歸妻歸妹我
完我聘民之無祿奪公遽速不相不歌傾壘走哭蓮花
之峯闕此幽宮剖石誅德辭約義豐

道古堂文集卷四十三
墓誌銘
文舉國地幽宮時不精
宗非卿兄之無無公數
後遂葬為墓于某年某
而惟謹歿兩神哀嘆
墓大夫持令蓋葬堂余
亦不之論焉
甲申十一月二十五日
以葬於某山某處

余乃承墓誌銘

會城巷陌比連小屋多於大屋高墉厚垣百不得一以故焚如之既月三四發燔灼至於數十百家而不止余翁家在隘巷火再及廬天輒反風老屋巋然在燎原煨燼之中閭里驚異以為翁隱德所致是時翁子昂香已登賢能之書歲在戊子某月日翁年八十考終服闋昂霄試為令於河南攝河內林慮縣事有聲假歸將葬翁於某原以處士吳穎芳所撰狀來乞余埋幽之辭余視其狀翁之德皆庸德也而於為汪氏計會一事在隱微幽獨之間人不及窺翁又不自表襮君子表微宜有以

觀其深也狀曰翁名坤乃承其字仁和人童年而孤上有二兄翁獨任家事赤手措拄家漸裕人皆欲以女妻翁翁必循次第先爲二兄娶然後議及已姻二兄先後歿居喪營葬殫心力爲之仲墓不吉亟改葬仲連得三孫兄子力不能娶費皆自翁出族人力不能葬事皆倚翁集事母夫人先意承志藝黃山松二於庭謂慈氏壽徵也貯泉以時滋灌不敢用爲茗飲融融洩洩母夫人扶進壽域九十有四乃棄養翁擗踊哀號仍嬰兒之失乳也此吾所謂庸德也世俗勉強而不能及翁根心而生若天經地義之不可分寸易古之人有行之者矣吾

不必爲翁矜也同里汪氏以出筭著筭其出入者翁也條目瑣細如牛毛不可爬梳翁隱之他人不能察也必使其軒豁呈露雖錙銖無遁匿以故汪氏再世相遇無猜心出從仕牒悉以家事委焉而其戚友之居嘉禾吳興姑蘇者皆以稅引事相託脩脯之外無他營也余謂不欺暗室不媿屋漏此作聖之基而中庸慎獨之學也使充此心以臨民不虐惇獨而畏高明可以爲循吏使充此心以事君量能後入先事後食可以爲蓋臣而皆自一念之母自欺爲本惜乎翁之小用其道於會計也昂霄今且臨民服翁之訓不爲循吏肯爲墨吏乎漸且

積資以至於爲公爲卿本翁之志不爲蓋臣肯爲計臣
乎翁之德隱藉昂霄以顯之所謂不於其身必於子孫
也反風滅火天特小試其道以爲世之臨財苟得者勸
若翁者豈僅僅以完保室廬酬其萬一哉昂霄例得贈
而不遇 單恩故翁仍以布衣終銘曰

洪範五福翁有其四徵以五行其光未熾火爲祝融以
顯隱衷於顯於隱孰觀其通家運耳耳其社未豸厚翁
於終爲有收子冢不泄嗅夏屋初覆龜筮協占銘辭如
繇

贈儒林郎汪君墓誌銘

汪君扶搖旣沒之九年其孤韜英將卜葬於長興之鳳
皇山先期來乞銘按狀汪氏先出自魯成公少子六十
一傳至大四公始遷江南遂爲歙之休寧縣人祖考建
烈 誥封奉直大夫考勇錫 敕封文林郎君名純扶
搖其字也少而岐嶷秀異寒鈔暑講書若宿讀筆飛墨
騰文若宿構以是絕爲大父所憐愛在羣從中獨有銅
槃異饌之奉年十八爲諸生祭酒兼該羣業於春秋經
尤邃謂金華宋氏之論自元以上言春秋者凡五變今
則變益多而其流愈下青田之明經環谷之要訣祇以

供末學科舉之用降是而匡解明微諸編則又變諸生
爲學究爰是銳意傳疏左右采獲抉幽探微雖儒宿莫
敢抗手閱後進皮傅目瞇杜鄭王馬之書舉場發策緬
緬紛紛蒙目張口乃條食貨刑法邊防州郡數大政州
署部居補山堂之考索續源流之至論以饋貧藥儉其
窮究元本若此遭大父喪容色貶瘁嘔血數升丁所生
憂齋居墓廬三年不入內春秋諱日素服上食擗號孺
戀終身以爲常有四兄皆能文事昕夕過從清談干
雲振衣躡履親執食器友誼謙篤感動隸人初娶于徐
未廟見以渴疾卒過時而腹悲繼娶於陳雅相禮重不

畜華妍其內行醇謹蓋天性也晚築畫溪草堂於雒城
遺編鬻翰旁魄罔羅巾恰之歡徧于大江南北扁舟造
門莫適賓主捶琴刻燭造韻立成君外和而內毅侃侃
自立期爲有用之學屢試不得志雍正丁未以疾卒於
長興之里舍年僅四十有五子一人卽韜英州司馬
敕授儒林郎贈君得如其階銘曰

於維春秋微婉義悉淵源夙承助逮匡質朱墨別異微
旨迺出嗣永嘉陳不改科律堯彼荆舒新義枕甌農師
佐之歷駮蹙躡權衡有敞集解有轍牙角撐拒未究曲
直鏗鏗康侯懃懃盈帙魯史聖文書法兩失黃澤而降

正學在歛寬以纂疏汙用師說師山考傳疑誼則闕有
儒一生汪罔來葉世歷五變鴻論秩秩爲左鍼育爲梁
起疾爲羊輸攻海涌嶽立誅詆發潛視此丹筆昊天降
訥車軸早折靈幽體翳遺著滿室我造銘辭徵以素業
授經何人鑒於哀石

湖南永順縣知縣趙君墓誌銘

趙君淺山歿既二十年矣歲在壬辰孤輯寧將葬君於
積慶山之陽而以前配葉孺人耐余據公羊之義以責
其慢輯寧泣而請曰吾父之卒也吾母提挈老弱反机
於杭熒熒如旅人孤昧穉無知識恐卒犯霜霧不得終
春秋窳窳之事以故行營高敞十餘年不得決旣得吉
壤又以五行書言三向不利遲至今庶幾唐張圓所言
篤古而達於言者以爲埋幽之辭夫子幸哀而許之則
吾父爲不死而前之慢可蓋也余於淺山十年以長交
以弟畜距其死幾三十年噫其能已於言乎君諱賢字

端人吳山之麓有淺山所居近因以爲號本姓勞贈公
幼撫於趙遂冒其姓雍正己酉舉於鄉與余同修浙志
修潔無支離之言余被放歸田越五年淺山始成進士
榜下卽授縣令謁選得湖南之瀏陽民買田宅書契需
官印鈴尾稅多隱漏或持其事以爲居竒之地列其戶
名田數以上且啗君以厚利君慨然曰吾甫下車卽破
千人之產不祥莫大焉事且上聞條教下里民限以一
月投稅不則將按例懲儆民知有發其事者方惴恐重
足待命僅止正稅不復深求則又出望外爭先輸納匝
月而畢銅弊一清而閭閻不擾聲大起治有古風洞向

爲羣盜淵藪時清已久伏莽不興中丞命君密察之君
廉其虛并及境內諸洞久皆堵塞且力任詰奸之責適
藩伯以稅契事上聞中丞大加激賞許爲闔屬中第一
良吏會征漕力除積弊糧儲道不復入境曰是邑固無
待訪察也五年政通人和以循卓調永順竟以勞瘁死
官下歲在癸酉八月廿四日也年僅五十卒之日郡守
親視含殮告其屬曰吾爲國家惜一良吏非私同官也
喪過長沙瀏陽士民傾城奔赴哭聲殷道路君制行端
粹伯兄嘗勵之學登第後痛伯兄之不及見語輒酸楚
撫其遺女過於所生初娶於葉其父曰時青下沙場大

使繼天津孫氏其父曰居廣宛平教諭葉氏生三女長
適江南已卯武科舉人許長清次適丙子科舉人王元
仁次適杭州府學生王寶階輯寧則孫氏出也孫三人
之藺之廉之李銘曰
君爲儒吏而非矯虔宜壽而昌不得永年令我後死銘
新阡剖辭於石比石堅

道古堂文集卷四十四

仁和 杭世駿 大宗撰

墓誌銘五

方聖祥墓誌銘

君名士麟繼名來聖祥其字也爲遜志先生十一世孫
自侯城徙錢唐大父聲弼父啟元皆以孝義有聞名在
省秉君慨爽有大節母潘孺人性嚴毅有不懌輒長跪
伺色解鞠養小弱弟挽須擁樹煦羹哺飯蚤莫不忍離
見長老摳衣捧袂不以賤貧弛敬以急告不以亡爲解
出參人幕祥刑慎獄刊 聖諭圖解輯世法周行意主

于宣上恩德型民正俗希古循吏之治閩孽旣平以事
牽逮者皆沒入爲奴婢君捐金爲首倡悉俾贖還保聚
者數百家此一事陰德爲最大方君屬疾旣亟恍惚見
幡蓋弁歛輿隸後先自知不藥哀痛呼父母誦蓼莪數
言乃瞑時康熙二十五年某月日也年三十又六娶于
倪先七年歿以某年月日合葬于靈隱山九里松之原
子二學孝學弟孫七長德發與余交銘曰
君之正父以孝旌君能行義紹令名災憚瑣尾藉保存
存吾以順沒則寧後有考信視刻銘

文學吳協南墓誌銘

士自受經卒業入學宮爲弟子曹試旅進浮湛黷序間
不有鉅公名德弼獎其意氣增長其聲價世方希風附
影不相先後矧其埋骨旣朽嗣響不振於螢乾蠹老之
餘掇拾其煨燼乃足以感人心而流芳譽嗚呼蓋其難
也錢唐吳君嘉丙字協南年十八試於學使者補諸生
師淳安方先生榮如友同郡嚴在昌梁啟心孫灝陳兆
崙切劘於學問振華耀采爭長槃敦摩研編削之士交
目爲文中之虎始於鄉邦浸淫於十一郡漸被於大江
南北以暨京輦名流六堂觀國之彥翕然稱杭郡之文

甲天下而協南之名特晦此故曷以今相國高安公大
司農茶陵公少宰溧陽公故總憲贈宗伯沈端恪公皆
以海內鉅儒具人倫之鑒矜慎少許可獨極口之數子
之數子文譽之起蓋以此協南貧不能舉火束修鏃厲
簡交遊外聲氣坐臥容膝之室以歸金爲正鵠發爲文
章古音亮節不肯枉尺寸以求合有司故爲諸生者逾
十年曾不得分米廩之一粟兩就主考官試一俛得而
復落竟以貧故而病摧折侘傺以死死之三年友人嚴
璲斂貲葬其骸又明年醵錢刻其文以傳協南文旣出
閭巷之儒心摹手追咸奉以爲圭臬有不得見見而不

盡誦習者至以儉父相目觀風督學之使若其不標舉
協南之文與夫標舉而不以實者比之提唱卽與盲椎
瞎棒無以異嗟乎協南一孱夫懦儒手不敢雌黃口不
敢臧否氣餒旣無以奪人之數子者皆有公鑒無姑息
平居討論削奪不肯纖悉假借逮協南死旣久遂循推
讓莫敢抗駕而後知其聲價意氣固不待鉅公名德之
弭獎增長也嗚呼此則加於人一等矣協南尊人紫葢
先生爲名諸生好客散千金立盡爲協南娶於長洲許
氏亦故族先卒無子與協南合葬於雷院之陽銘曰
芝焚桂闢蘭先摧天豈雨露養不才欲壽其文骨早埋

於數則舛理則乖么弦孤韻鮮叶諧神鏤天剗巧絕階
恨不將子遨天街手酌青露吹紅埃夢而灑泣瓊滿懷
我今後死寫所哀銘辭磊磊無碑材揭於子集諗後來

文學周汝盤墓誌銘

君諱鉞字汝盤號晚菘浙江之山陰人先世有名洪謨
者官吏科左給事中劾魏闔直諫有聲四傳至君父中
錫爲儒阨窮早死君方三歲聞母哭輒啼號不止既就
外傳雖弱小嶄然若成人年十八爲博士弟子員有聲
黌序貧不足於養佐其從父之官毘陵未數月聞母疾
卽日馳歸日夕侍湯藥衣不離於躬脇不貼於席闕於
別室禱天冀以身代割股肉以和藥卒不驗竊持廁牕
出躬自浣滌至嘗糞以驗生枯嗚呼庾黔婁而後史策
之闕書者幾千載矣繼此者獨君而已居憂三年不食

肉飲酒祭輒號慟絕去後至毘陵感舍有白雀作白雀賦以寄哀苦之思今集中所傳是也君至性純篤而輔之以文學卓然可名薄遊粵東著粵南雜記他詩文數百篇居毘陵三年研精經學擬著三禮會通不果類纂左事成二十二卷前儒章沖之鄧名世不能過也晚歲始餼於米廩貢成均藉友教以自給素患失血怔忡閒發撞胸如杵曰少差猶爲諸生娓娓講說曰吾不敢食焉而怠其事也乾隆六年某月日歸自濟寧血下瀉遂劇春秋六十有五初娶於裘太學生孔光女定昏於先人彌留之際其古義可以厲世生一子大樞繼娶於婁

再娶於施生二子曰秋碧曰大柯孫四人永熾永焜永燿永燿大樞試鴻詞不利留滯京師既聞訃雞斯徒跣歸謀葬君於柯山先人之原以裘婁兩孺人耐奉遺令來告令曰吾一生不能爲善不能爲惡止此矣詎可傳乎盍請於杭君志吾墓以文庶可乎余感其意乃爲銘銘曰

君之行宜旌而耻自名君之言可道卒用是以教相誦以傳誰曰不然

黃再岑墓誌銘

君姓黃氏名元嘉字柔則再岑其號也系於江夏勝國
時有名勝者以杉關戰功得世襲杭州右衛千戶遂爲
錢唐人四傳而爲斌以正統十四年討處州賊葉宗雷
殉難得世襲指揮又七傳有名登瀛者君大父也名汝
祥者君父君少食貧不事苟得居喪擗號喉燻而色墨
行營馬鬣露宿星飯龜手以襄畚揭血滲著土上裂麻
裹創觀者蜚鼻伯兄聖修蚤世無後牽長子璋純素而
奉魚菽沃酒以告靈牀曰嗚呼伯氏以是續汝爲不死
矣其孝友大節如此體瘠善病寡言笑閉關績學讀班

范以上書數萬言與鄉之詞人洪昇沈名蓀輩爲吟交
著有再岑老人集藏于家年五十又二以康熙某年月
日考終牖下先娶明孝廉越郡陶公長女生一子卽璋
繼娶同邑包公次女生三子一女子曰璉曰琛曰瑚琛
工詩善繪事奉母能色養今將以雍正某年月日葬君
某阡來乞銘銘曰

君身後有令子葬君骸鬻十指陰丸丸植楸檟攀枝條
淚霑灑繪遺象丐銘詩貞樂石無媿辭

松谷趙君墓誌銘

君諱殿成字武韓號松谷遠祖祥三自越之尖山遷上
虞十一傳至明武德將軍諱燮英始遷杭遂籍仁和君
曾祖也諸生諱鶴君祖也皆以君從兄司空貴 贈光
祿大夫吏部右侍郎考諱汝舟州同知以君主事銜
贈中憲大夫妣陳氏 贈恭人君德性端靜通曉經義
銳意科舉之學俛得而復失會

今上卽位 詔徵孝廉方正之士士友推挽萬口一聲
郡縣遂以君名上君適居母憂堅辭不應郡守秦公爝
高其節弗之強也服闋需次之京師銓有日心疾作遽

歸蓋自是君無用世之志矣其修行於家施恩於嫻族
爲德於鄉鄰較著在人耳目者可更僕數也方贈公之
寢疾也醫禱罔效君刲股肉和糜以進而獲少差逮其
棄養柴毀骨立殆將滅性奉治命葬於上虞之老楮山
陳太恭人以重江越險爲嫌而主合葬非古之論越二
十年復棄養君踰時而悲右目爲之失明又以先人之
命兩不可違而檀弓出於漢儒非聖經大儒若歸震川
若呂心吾若陳幾亭皆持此議而未冇定上徵諸古下
博求於麗澤之講習或曰東漢袁賀病困敕使畱葬侍
衛先公而不迎妻柩樊恭遺令棺柩一藏不宜復見如

有腐敗傷孝子之心與夫人同墳異藏此一徵也或曰
唐鄭儋有兩夫人使各自治墳見於昌黎韓氏之志墓
此又一徵也最後讀子朱子大全集知其葬父於崇安
葬母於建陽乞銘於周益公而無媿辭不以分葬爲疑
意始決行營吉壤於會保里之蔡河原蓋歷十餘年而
克竟成母志如此其難且慎也趙氏自遷杭以來皆反
葬於虞歲時上冢君必往渡曹娥過驛亭堰檢舟中多
一囊擲地鏗然有金數百知爲過客所遺停舟俟之果
有倉皇而至者詰其數驗挈還之堅詢姓氏不荅時雍
正歲在庚戌也越甲寅歲大祲爲粥以食餓者乾隆丙

道古堂文集卷四十四
八
辰鄉試既鎖闈矣旅寓不戒於火者凡二百餘人君資以糗糧得復入試又資以舟楫屏履之費而後得歸辛未夏旱米價翔涌貴糶賤糶以濟閭里丙子復饑君首捐千金爲一郡紳士倡而民不病君天資儉約補衣疏食與寒畯無異赴人之急若嗜欲饑渴之不可待乳嬰掩骼醫危殯死之事習爲故常不德於色性耽著撰所編香至數萬言王右丞集致力尤深駁正舊說不下數十條辨霓裳曲七疊始有拍以駁按樂圖舊說并以糾新舊唐書之繆臨川李侍郎紱以爲不陋而典不黠且醇蓋實錄也乾隆龍集丙子七月二十七日疾卒春秋

七十有四配王氏 封恭人州同知聖如季女德門貴族動中禮法松谷以腸澀幾殆剖臂肉入藥而愈而匿不自言先君八年卒春秋六十有三子一人秉恕國子監生早世女一人適國子監生汪起崙孫一人樹元國子監典簿曾孫承熙承烈承勳曾孫女六人已卯十二月初八日樹元奉遺命將葬君及恭人於陳太恭人之兆來乞銘君純懿篤行君子而恭人佐之以賢孝是中銘法乃銘曰

九九之松四尺邱澍溢遠抱青瑤流同穴者冀缺之妻耶耐於君姑獲所求收子者半千之孫耶荆焯煖契奠

進學文集卷四十四
十一
同里浦氏處士咸孚公女也賢明有法君好行其德而孺人損衣縮食以佐之鄉里稱德配焉君與孺人同生是歲爲順治己亥君以雍正癸卯考終孺人後五年沒越七年孤士鼎等卜合葬于臯亭山赤土滙之陽其地女夫章進士所贈也冢婦徐介婦曰浦曰張前後奄逝皆從葬于其傍銘曰

公惟德充保合真宰巖棲谷汲韜景匿采縣解不枯和其天倪匪瑀匪琢嗛嗛而撫振乏饋貧嘉耦叶德生既齊年死亦同穴棗脯迭摯著代義存先後不祿蘭摧芝焚婦耐于姑禮經所繹洗腆敬進不隔窻窻走乞哀言

剖茲青碑幽窻不遠左斯右斯

沈逸菴墓誌銘

吾友沈隆博學能文章爲後進魁碩歲壬子偕予入閩
道中示余所作先人行狀且旬余爲文以銘按狀翁諱
建業系出吳興遷杭者凡五世矣幼穎悟讀書五行俱
下家苦貧年十四卽從父君衡公治生產喪其伯兄生
益困乃切究經世之務精晰刑法佐理事多永俄幕倚
若左右手時武進趙恭毅公方以撫臣理湖南獄檄多
往而翁與偕獄亟且語繁讞辭膠轕老吏束手不敢具
藁翁以意代爲詮次悉中窾會恭毅公覽藁驚異物色
得翁亟稱爲用世才然翁竟以是老終其身不得一酬

其用嗚呼其可悲也翁性孝友喪母田孺人時年幾艾
嗚嗚如嬰兒伯兄病篤與其仲剖股肉糜藥以進仲死
事寡嫂如田孺人在時婚嫁其子女不異所生與人交
遠勢利而時緩急故歿之日家無餘財銘曰

翁受人祿以斷雀角殺人媚人如執已戮生之不得姑
緩其獄凡此祥刑退而削牘闕彼市虢擅殺人子行莫
夜金求貸于死有李代僵禍可旋徙翁執不移竟抵於
理聿有巨猾地近情狎外倚奸胥脣齒吹飲希翁一諾
或可翫法袖金瑟縮憚此嶽嶽大車啁啁毳衣如璫翁
佐其化藹如春溫去哭于市來扞于門赫赫循卓內藉

翁存翁殫究圖心血耗枯藥迂禱拙旋致不虞子割其
肱刃戰弗殊姊代爲之烹而獻諸翁已大變不可力轉
叱無怛化其言也善方翁牛存吾未繾綣讀翁遺言吾
釋褊帽南山峩峩松柏擢柯伐石表隧吾銘不磨匪銘
不磨翁善孔多小子識之以慰泉阿

姚辛菴墓誌銘

君諱昌時字禹疇一字辛菴姓姚氏姚氏之先著籍吳興白河所謂關內白河姚者是也曾祖考某祖考某隱德不耀祖父行有爲校官於杭者君考玉芝隨之任家焉遂爲仁和人君五歲而孤貧不能竟學懋遷有無營甘煖以奉北堂節縮衣食而家業漸饒其葬母氏於橫山也會大雨未及窆所而暝君露處匱側或怵以蛇虎且至不爲動立泥淖中達旦人以是服君之孝兄性卞急少失意譙責不少置兄旣歿廩其遺孤子女終君世嘗賈閩中同舍客病且死以千金屬君君愕眙不卽受

客曰僕信君君乃自疑耶卒持其喪以歸而以金畀其家封識如故君勇於行義而耻爲名聲買地於鳳皇山之麓葬無後者歲若干人施榼於宗陽宮者近三十年乾隆歲在甲子水發三天子鄣浮棺蔽江而下君與何翰林玉梁倡義收厝以待其後人而瘞其無主者山陰田多濱海舊塘堙蜚數被水君請於官率鄉人更築之延袤數十里遂成沃壤馬鞍村沙漲田畝陞科有年矣比歲大水連不收而徵稅如故大吏以君言上聞天子蠲其租勿問迹君之爲德於閭黨姻族者列筆不勝紀紀其卓卓者而君之生平可知也乾隆十五年五

月四日以末疾卒距其生之年蓋四百五十有二甲子矣初娶於張無出繼以吳有淑行有子三人勳杰珽珽嘗從學於余有孫八人均圻墀堦堂基墳坤閱二年某月日勳等卜葬君於仙芝嶺之原來乞銘銘曰處靖自樂兮信守道之德克陶物振俗兮而不尸其功詒謀孔臧兮何子孫之不逢北山之北兮維子之幽宮剖吾銘於貞石兮將永子於無終窮

遠古堂文集卷四
其
歲在癸丑月維季夏十有一日庀家事不少節中暵而劇猶數念阿孺不置口遂以卒春秋四十有九娶太原王氏婉嫕慈順和于先後以能善事君父母戚黨間有賢聲年四十有六先君一年卒越十有六年實維乾隆紀元之十有三載孤佐虞始得地於烏石峯之陽卜筮協吉以十二月十日奉君葬於其麓而以孺人王氏附來乞銘銘曰
幽宮旣封令妻實從吹簫烏烏翠珉礫石友銘汝辭最工維君懿德迺克終

金存齋墓誌銘

君諱肇鑾字羽階一字存齋姓金氏金于休寧爲著姓自君祖鼎臣公始遷杭遂籍錢唐鼎臣公生三子長曰翰襄公次則維甸公其季曰紫宸君考也余家世居如松里與君跨街結宇對衡而望則檐霤清淙可數君同堂兄弟凡六人余則棠棣鄂不之數適叶亡兄年齒與君諸兄相亞余生于子維甸公仲子自白生于丑君生于寅嬉遊追逐若舒雁行列相得尤歡方總角時自白與君來吾家吾母爲陳糗餌以娛適其意余時雖稚昧知具主客禮自白端靜不苟訾笑君神儀秀澈頭玉嶢

曉里中父老皆卜爲非常兒余七歲入鄉塾君兄弟亦能辨數與方名余東西跳踉夏楚不能收威君獨敦敦書案以是絕爲經師邵先生所器愛已而君事厲孝廉樊榭工書能文章提筆就試有司不卽售而大故疊仍伯兄早世同堂兄弟半摧謝衣食艱大楮挂不易遂決意舍經生業握籌權出入盈縮生計藉以不絀君旣寡兄弟自白亦孤子無依助相倚若左右手自白用出筴起家旣饒而緒益焚其官事壹以屬君君志意卓犖決策料事巧發奇中或有齟齬伏而思一夜常數起而事卒以集然能推誠接物不設鈎距遇人人有恩自白儉

而讓君濟之以和名節侃侃翁然爲衣冠圭臬余宦不成而宅再徙君亦去舊里自白隔巷有大宅空弗居而暱就君時共談讌曰吾不忍傷弟意也君旣無梯榮之階入貲當得行省理問不樂仕雕刻五七字以自娛每賦近游清江白石有超世之想時時就余酬和攢眉畫肚童艸時景象愴怛猶在吾胸臆間私竊自念余與君娛老而送日其在是矣而君嘗苦頭風歲在丑損其左目更一紀而舉發遂以不起方劇時自白親劑藥石脇不貼席者幾一旬余聞驚往視不及訣嗚呼六十年游好惟自白與君而三又弱一个余獨偷視息何爲哉某

年月日將葬君于某原孤子德淮以狀來按狀君生於康熙戊寅年十二月初二日卒於乾隆二十二年三月十七日春秋六十娶于王生觀瀾先卒繼以娣生淮筮以俞卽德母也一女未字孫二人櫛樹銘君幽者非余莫屬銘曰
孰令君死而令余獨存泚筆磊磊兮以慰君魂君有古懷兮薄俗可敦身雖不泰兮而道則尊貞龜叶吉兮裕此後昆松門蘿戶兮清吟徹乎九京嗟幽明之理殊兮余不負乎平生之言

國子監學正邱星河墓誌銘

吾黨多魁奇英時之士而邱生星河寬中篤厚慎言語謹步趨終身無子弟之過從余遊二十年學不泛濫而文清樸無儒響見其進未見其止不謂其竟止於是也生名永星河其字又字雲涇邱氏遠有代序宋高宗時有名乾者官左正言扈蹕來杭至十世有名懋功者居青沙鎮業紙劄鉛粉明成祖定鼎北平勾取天下都匠實京師例當北行季弟懋才代見往懋功植雙槐於門江西湯毛九亂保定侯南討有司慮妨軍行將伐去懋功子禮以先人遺澤不從執以白侯侯云樹固不必盡

伐此人亦可稱強項遽釋之鄉里稱其賢以雙槐顏其堂云又十餘傳爲永會祖文遇祖名宗契父名峻仁和諸生貢太學例得儒官生生而穎慧三四歲授以唐律數百首琅琅成誦弱冠爲諸生文名藉甚靈根日美朋牖漸閉從余學爲無韻之文又從沈廉使菽林學爲有韻之文生平所受知者金壇于大司農拔生于童年寧化雷副憲餼生於郡庠諸城竇京兆舉生於優行長洲彭司馬賓生於賢書之數公者皆余講道論德之友所謂臭味不差池而針芥自投合也其足跡所至一遊邵武應秦使君之招再遊三山應八閩通志之聘家貧友

教四方之會稽之江南武進之江西瑞金所成就者不可僕數歲丙戌禮闈報罷

上以國子監六堂課士官乏人 命大臣選下第舉子

有文望者充之於午門外命題嚴試得卷十五君名

欽定第一明年補學正派率性堂日程月試壹以清真雅正爲則士風丕振 皇朝修太學志董其事者司成司業六堂學正助教等官爲分修派君爲總修擬門十有五曰綸章曰建置曰臨詣曰祀典曰禮儀曰樂律曰官師曰生徒曰選舉曰人物曰經籍曰藝文曰古蹟曰經費曰雜識先以凡例及第一門奏進

聖諭有體例都好之褒時屆鄉試君晝則趨堂課士夜則扃戶校書積勞成疾遂以不起時乾隆戊子七月二十二日也年僅四十有六君天性誠摯言不忤物行不慚影律己以正不干人以私潔白之養旁貸孤寡著述甚夥有曰邱宗信譜者紀其先世勲業高行也有曰雲涇雜錄者紀前脩之嘉言懿行也其他箴銘詩賦記序之在人耳目者及雜志四卷皆其二十年來嘔出心血之作也娶劉氏事舅姑言所不及輒先意承之卒于壬申之歲先君二十年生二子曰慶筠曰中閔一女適王文河筵以某氏生三子曰中瀛曰中聯曰中喬族兄振

藩爲大宗年暮無嗣中閔易名文元爲其後歲己丑十月十有一日合葬於棲真嶺之原祝予之慟非夫人而誰爲銘曰
語有云爲文傷命胡不卹死而造物競因汝子請銘君獨行

余門而請曰昔者歐陽修葬父瀧岡自爲阡表照蒙穉
無以爲也惟子一言先大夫可不朽矣嗚呼五十年來
凡習於公者零替殆盡知公之深者莫余若誼不得辭
也公爲冢宰文敬公之子相國文穆公之弟諱杞字集
功號靜谷十世祖自河南遷錢唐曾祖日隆祖欽安皆
以文敬公貴 贈光祿大夫 經筵講官吏部尚書文
敬公娶於及繼室以其娣實生相國及公公少時銳志
於科舉之學文敬公 予告里居公兄弟尚困場屋延
致邑中英異能文章之士校藝於凜存堂旬鍛季鍊詣
益適上公獨先得氣以去康熙辛卯舉於鄉明年成進

士改庶常文敬公老假歸省覲眷戀庭闈未卽赴闕
時乞假者衆

聖祖概予休致凡二十四人公在其列旋執文敬公之
喪凡里居十餘年

上念文敬公清德卽家以編修起用

世宗憲皇帝蒞阼 命公主廣西鄉試旋改御史歷京
畿道轉通政司叅議晉四譯館太常寺少卿雍正八年
奉 命赴廣東巡查軍政嚴申開礦之禁貧民失業者
衆與督撫大吏計口授田民氣甦息回京外調甘肅布
政使旋奉修城 諭旨公通悅不事家人生產領藩歷

十二年廉俸皆隨手散盡文敬公遺有水田數頃并宅一區悉賣以供板築之用而欠負猶纍纍也雍正十年請 旨陛見命署理湖北按察使旋調湖南布政使是年冬陞任西安巡撫十有三年內調入京補授宗人府府丞

今上皇帝以公

先朝舊臣獲 賜明史一部供職五載 予告歸里

皇太后七旬萬壽在籍大臣朝京者開九老之宴上虛一席以待公道阻久不至以位遜於公者充之非聖意也然猶 恩加三級階至資政大夫子景熹以翰

編出守福州公前城工之項未完藉裕蠱而克竣三世清宦於 國恩家訓兩無憾矣公長身鶴立雄談竟日夕警欬如洪鐘口不雌黃胸無城府得喪不縈於寤寐財利不挂於齒頰在鄉邦爲鉅人長德在朝廷爲白首耆艾魁壘之臣此海內所共目也景熹晉福建鹽法道勤其官而死期公以達觀則非情償公以他福則無其事祝予之慟哀纏心肺壽八十一而卒雖享長齡以論公則猶爲減算也公娶於孫國子監祭酒諱岳頌女先公十九年卒有賢行尊師教子助教王先生雲廷學優品粹以言教兼以身教故相國及公諸子皆從之遊夫

人主中饋先生未朝食諸子不得食也先生未裝綿諸子不得衣也教授幾三十年而徐氏諸子皆成國器公初艱於嗣文穆公以第五子翼燕後公乾隆丙辰舉人官光祿寺署正次麗照國子生早卒次景熹乾隆己未進士累官福建鹽法道皆周恭人出也次卽升煦女五人長與四皆殤次適國子監學錄海寧陳璵三適候補同知長洲葉樹滋最幼者未字孫均國子生次增次坦最幼者坤殤孫女四人曾孫鉞銘曰

壽者疇也公嗟大耋不足以爲疇福者備也難也食子而不能收左髦脫而不髮兮頎乎其至丐我昭其幽鳴呼公勤其事敷政優清風勉勉追前修或誣失實公所羞我銘律公重且周

子京始來告將以某年月日葬君於西谿某原余乃按其狀而表之曰君諱士璠字魯齋泉亭其號也陳氏系出潁川至宋南渡派分江西以信國文正公康伯爲弋陽之始祖繼遷餘姚之馬渚有湘露公者贅於錢塘始遷會城之後市街太平里六世祖學易萬歷癸未進士南京兵部車駕司員外郎從祀鄉賢建祠於里自五世祖以至君考皆爲郡邑博士弟子祖考諱遇贈翰林院庶吉士考諱孚衷以君貴累贈如其官三娶皆贈恭人而君則吳恭人所出也君屢試高等爲邑增廣生十試不售雍正十二年制府上蔡程公以博學鴻詞薦乾隆

元年十月試於保和殿拔十五人而君名在二等第七授翰林院庶吉士散館改授戶部河南司額外主事河南省有鹽礮飛沙河灘壓窆等地畝千餘頃無業賠糧民人籲部請求豁免遞解回籍者數矣君與同僚武定李君斟酌定稿力請竟從其議有佟姓家主告發廣東駐防係其戶下冊檔研審有據同事受賄爲之出脫君以名分所係決然剖斷旋被告發西臺嚴訊得實以營私治罪而農部一官無恙實藉君持正之力有旗人仇家誣以先人係某姓戶下遂致子孫不得仕宦君委曲詳勘立破其誣首人允服兩事相反而不膠於一轍

道古堂文集卷四十五
六
虛公處事君無成心也已而實授主事充戊午科順天鄉試同考官辛酉副中允朱良裘典四川鄉試明年晉江南司員外越四年晉福建司郎中君前任員外時江南司有雍正十二年深水等州縣被災其勘不成災區畝飢民例不加賑當事以社穀及官紳捐米煮賑屢爲推覈且欲報叅賑米四千餘石著落原辦官追償接任者又以社穀原屬地方公輸儲備歉歲此固向有諭旨仰體 皇仁非動支正項可比況業已賑去官更吏易何處責其償還一二苛細者謂旣屬公捐卽爲公項堅執已見牢不可破君力主銷案十四年塵案一旦

掃除州縣得以免累君遇事不辭難壹以清案牘豁拖累息事寧人不與同官立異亦不曲徇上官爲郎十一年出知江西瑞州府事以豈弟之心化刁頑之俗修學宮葺橋梁復譙樓平米價次第舉行暇卽與諸生講論文藝士風興起中丞胡公寶瓌雅相契重歎爲品高學邃積勞疴作移疾俟代而已不可爲矣時乾隆丙子閏九月六日也享年六十有七文武僚屬以迄商賈士民遠近奔赴行哭失聲遺愛可徵口碑如一君初娶於張生二女一適同邑張慶增一適長洲王邦譽繼以趙生四子京國學生寅邑諸生三四皆殤銘曰

噫乎瑞州陳使君生有惠政州民云六尺豐碑高於墳
下馬讀碑以我文

朝議大夫刑部貴州司主事吳君墓表

比部吳君葬其元配程恭人於資口復於其左築生壙
自爲誌銘述其生平之志與其曠遠之懷以及姻連氏
族甚悉乾隆歲在己丑君年七十五矣末疾不慎遂至
不起屬其子封英曰表吾墓者宜莫如杭君嗚呼余文
之不異於人人審矣君臨沒墜言鄭重謹諉何哉武林
自西湖八社而後風雅衰息幾二百年余被放歸田於
南屏開設壇坵金江聲觀察丁鈍丁隱君周辛老厲樊
榭兩徵士牽連入社與君爲文章性命之友皆以前歿
衰遲偃蹇獨有余在肩後死之責君不余屬而誰屬也

乃按其狀而系之曰君諱震生字長公可堂其號也姓
吳氏吳氏望出延陵其遷歛者以唐左臺御史少微爲
始祖九傳至元公遷於豐溪之陽歷二十七世爲君曾
祖諱茂吉國子監生祖諱豹然仁和諸生以君貴馳贈
朝議大夫如其官父諱之驂明經鄉飲大賓封朝議大
夫母羅恭人縣令玉受公女生君而早卒君才氣全涌
千言立就從武進秦孝廉宮壁學爲制舉文紆餘卓犖
遠有家法弱冠受知江夏胡公潤鬱爲選首五踏省門
薦而未售遂棄去入貲爲刑部貴州司主事奇請它比
獄無冤濫以獄吏少 氣白雲司不可久居乞歸不復

出營葬高曾祖父竭誠盡慎無忝所生樂湖山之勝買
宅太平橋側濱河築樓三楹顏曰舟菴贈公所自號曰
吾公魂魄應戀此也性耽吟咏詩不下千百餘篇尤工
金元樂府熟諳南北宮調分刊節度凡古今可喜可愕
之事悉寓之倚聲竟入酸甜之室行世者凡一十二種
嘗與厲徵士丁隱君買舟同遊山陰盡覽越中之勝而
還倡和詩朝傳夕徧一時紙貴少嬰疾疾博綜醫術王
宇泰張景岳兩家之書橫覽貫弗洞垣一方青烏家言
人各異說獨以仰止道宗爲準的著葬書或問數篇發
明斯旨垂示子孫勿爲他岐所惑又著吳氏先塋志自

芳田祖墓以迄資口新塋繪圖立說刊刻成書讀莊有
摘莊一書別有姓學私談太上吟金箱壁言豐南人事
考已行世晚年徧覽竺乾之書著大藏摘髓余與君初
未識面君割新宅之西偏成邱伯之讓自歛道杭每接
言論輒移晷不忍舍去語所謂白頭如新傾蓋如故余
與君兩無負焉君卒以九月五日越日余往哭之肅然
風開帷堂英爽猶顯顯在吾胸臆間歛歛乎哉君初娶
率溪程氏生子慶貽旋殤繼以無錫秦氏一子卽封
英也翰林院待詔一女名蕙詒側室虞氏出適布政司
理問程璧孫三揚宗和宗翁宗卜以乾隆二十五年某

月日反葬於休寧余未及臨其穴也亂以銘曰

預爲壽藏始漢趙岐圖畫賓主四賢是師自爲誌銘始
唐王績青山白雲寫所素歷以方今古豈有不逮長達
死相破除貪愛衣足斂形棺足飾身譬以巨室而偃歸
人狐死謂仁首邱焉依況公久客云胡不歸魚躍拂池
旒蘇振動轎車卽塗山迎水送率川如帶距墓七里異
椁同牢九原伊邇高壟四尺美楨十尋旣安且固樵牧
不侵

之從兄弟共釜而炊共席而坐晨書夜誦聲殷帷幔家
法爲世稱日月不居體魄遽降康熙五十三年三月二
日遘疾卒於菱湖里第年僅三十有九戚黨哀咷有失
聲者娶前溪吳氏賢明有淑行有孤曰我衡年甫十四
執喪如成人以大總戎在哀不逾禮繼官戶部爲員外
郎監大通橋倉筦錢法得贈君如其官乾隆十年二月
三十日自京師歸始克窆君於菁山之原祔從其穆禮
也越兩月乃得美石爰樹碣於墓門余交我衡驩若昆
弟誼甚摯來乞銘不可辭乃表以銘曰
開也有先收也有子遺書滿家未見其止年位不充贈

崇幽宮高其邱竊祔於先公銘詞撫實誅行諡迹菁峯
嵯峨光我史筆

贈奉直大夫奉化縣丞胡君墓表

君諱隆字景初號岫齋先世有軍功自許州調大嵩衛
因家焉九傳至君父振卿以君弟璉貴贈明威將軍母
李氏封太恭人君起家自戶部寶泉局大使再爲丞凡
四攝令事所居不越濁碎之職得尺寸之柄不肯少自
假借歷有循績可紀君之初爲寶泉局大使也局中役
匠數千人米鹽凌雜率取辦於鑪頭恣所侵尅往往負
官錢率以身質經年不得出君至懲鑪頭之尤橫者酌
平物價匠困大甦歲終停鑄負者猶什錮一二君悉縱
遣之與約開鑪畢至無一後者遷江南涇縣丞令數以

疑獄相委當機立辨攝旌德令革雜征之累民者遷建
文廟拔姚士勳于童科卒成進士文教蔚起富僧不戒
於火弟子燬焉僧懼入金求解君叱之曰死可以賄免
乎苟無他何以賄爲僧感泣去旣去旌士民走送者數
千人所過環號曰好官行矣改攝盱眙歲飢君首倡輸
米市價頓平民賴以濟事往以餘金爲義倉總督邵公
將疏薦會疾卒不果戊子歲涇大水民舍漂沒渡舟爭
攫財物君亟下令救一人者予一金凡活數百人庚寅
涇復大飢亡命者集千人將爲亂君馳往解散之語縣
令亟開賑不則民且變令辭以未得上命君力任其責

廉得亂首予杖毋敢譁者巡撫劉公爲好言勞君曰是
役也微君幾殆涇令缺攝縣事邑久旱禱烈日中走七
十里至岑樓峯潭有蜥蜴二游水面貯以竹行不數里
雷雨交作四境霑洽邑人呼曰胡公雨君雖未卽眞方
次第施行所欲興革者遽以母憂去職服闋補浙江奉
化丞攝鎮海令事其治行如前時以勤死官嗚呼君之
施於有政者如此其赫焯也而內行尤茂方康熙壬午
癸未間東土薦飢君罄所積散之親族明年大飢道殣
相望君宿儲旣空貸錢粟貽諸弟戒曰親族有一飢而
死者非歲也我也是年三族皆賴以全活遭母憂時已

及耆年戚戚如嬰兒行營善地墨食克協身臥土窟中
驗氣冷煖凡三日夜封樹旣畢結廬墓側家雖至近不
一顧也鄉人卽其處樹碑儒官鞠濂紀其事大吏爲聞
于朝朝議旌其門齊魯文學之士莫不知有胡孝子
者君以雍正四年某月日卒春秋七十有三明年子文
伯葬君於雙山祖塋之兆以君元配蔡孺人祔君本階
授修職郎文伯爲禹州知州例得封奉直大夫不及待
贈如其官其子女嫁娶閩閱詳德州孫大理所撰誌銘
中

沈先生墓表

先生諱世楷字崑翰先世吳興會王父岷陽始來遷仁
和縣之古井里王父子羽通春秋有盛名于時父怡懿
修懋行實鍾美於先生生而敦重不佻勵志問學文不
循俗年二十有七始爲學諸生不苟訾笑不苟然諾不
苟取予有水鄉之田二十雙僅給饘鬻藉友教以濟凶
荒其廸諸生也辨偏芻諧音韻審句讀乙法勾貫洞達
明白疑似影響之談不涉於口耳狙詐功利之習不關
於心胸日力不浪擲於蒙養之年精神不虛施於無益
之地故雖中材皆粗有成就而人世豐美娛樂之境先

道古堂文集卷四十五
生會不得一歷焉德配曰陳淵默恭靜笑言不開潔酒
漿謹灑埽爲諸生代給都養之役豐儉有度早晏有節
遊先生之庭宇者如始至在門牆者久忘其爲客也予
年未踰冠先生攜之東西未嘗一日廢學飲之食之教
之誨之事孺人如慈母而嚴師無論已乾隆丁巳先生
春秋六十有九八月二十二日考終鄉里明年戊午長
君如焯自大梁來京師請文表墓夫先生之行與文深
矣廣矣其有造於諸生也厚矣嗚呼石可泐也而德不
可磨鑿余斯文以尉後賢以式來哲

文學汪蘅洲墓表

君名浦字蘅洲姓汪氏曾祖某自歙縣來遷於杭占籍
仁和祖嘉祉國子學生父坤中康熙甲午科舉人君內
行淳茂孝親友弟閨門無諍厲聲與人言不肯少忤其
意爲文師宋三陳先生少陽之暢同甫之豪止齋之簡
易左右采獲皆能涉其津岸研析經義不琢自雕年十
九補學官弟子員試高等爲增廣生明年餼於學官又
明年某月日館於歙之姻親唐氏遂病肺以死年三十
有三余與君同里閉少相狎也同爲諸生連試於有司
以文字相戛厲余性通悅叫呼笑傲高睨大談粹不可

近君獨拙口鈍辭稠人廣坐中不肯少出論議遇有疑難退必綜覈本始不少寬假卒間以事則條對如響嗚呼君之爲益於余者深而余之所資於君者亟墓草已陳車過猶痛蓋非獨以朋友之故矣君弟沆既葬君來請文鑱諸石乃爲論曰世皆以距壽顏天致疑於天夫天之爲天豈拘拘以一二人之故哉距可以天則壽之顏可以壽則天之有定理無定質也嗚呼蘅洲謂君爲壽耶而年止於斯謂君爲天耶則夫蚩蚩之氓蠢蠢之衆坐臻大耋而草亡木卒者其得謂之有年哉

文學鄭載黃墓表

君爲有宋名臣介夫先生之裔孫世家龍江曾王父諱廷簪以諸生結鄉里捍流賊戰不利闔室焚死王父諱士登時依母家得免始來遷浙東之衢州占籍西安父諱文忠不顯君天性孤迥避俗若逸爲文煦鮮榮而侈泠汰探幽抉微動中理解江夏汪公視浙學高其文列君名于黌序時方相誘爲科舉之學君獨治經史愛翫古文辭無間寢食體素羸病中骨髓而志益厲不呻而吟以詩書爲藥餌元氣內耗形神漸離嗚呼君之生也與病相終始君之病也又與學相終始位不克揚年不

克壽何憾哉伯兄明葬君于黃土壠之祖塋懼其無聞也
使子萬年來乞銘銘曰
家三衢姓鄭氏光琮名載黃字隸膠岸勤學死生庚辰
訖乙巳廿加六年止此配以吳不宜子以毀卒距一祀
歲丁未同穴始槨可材謫惇史徵銘辭不虛美刻堅碑
永無毀

顧包山墓表

君顧姓名錫祐字萬斯包山其改字也江南揚州之興
化縣人生四歲而孤兄于觀教之學間爲詩清遠有理
致沈思爲文不知有孫樵劉蛻也幽奧靈異時時近之
兄以衣食走四方或闕不能繼君行求甘膳奉母益歡
兄出比喪其妻若子醫藥棺斂貧不能支然倚君卒就
兄繼室矣旋走京師從人往來吳會間每歸輒復出視
其家如郵置君閔兄冢嗣不繼以貧故不遑寧處請於
母之河南叔父官舍內顧無疆近之親單丁衰戶震來
號號脅其兄以不得數出君之用意遠矣既至河南米

鹽凌雜措挂內外一署倚君牆壁旣而叔父調官山東
歷六縣皆恃君以濟叔父卒官荏平粹無以斂君單騎
入聊城夜經古戰場青燐熠耀繞馬足鏃入脛骨血涔
涔下不及省視卒得美櫬以歸終含殮勿之有悔而君
病竟以此厲時發時已越兩載遂不起兄于觀以秋試
畱京師聞君訃悲傷累日夕歸將葬君於蘇顧莊西南
之阡撰行狀請予表君墓嗚呼君非有瑰琦之行矯厲
之節循循門內天性深摯歷危苦而不亂雖古之純孝
不是過也異日者寒松颯爽古礪奔洩當有祥烏瑞鹿
哀鳴躑躅與君魂魄相終始而君爲不死矣君死時年

三十有五娶于陳

道古堂文集卷四十六

仁和 杭世駿 大宗撰

墓誌銘 墓表

封一品夫人晉封一品太夫人徐母曹太夫人墓

誌銘

故錢唐相國文穆徐公以乾隆十五年歲庚午筮葬於
茶坊嶺之原後十有二年己卯德配曹太夫人卒明年
十月癸酉公子以烜等將祔葬太夫人於相國之墓走
使索銘按狀曹氏系出江右六世而吳塘公徙江南上
海再傳少宗伯諱勳者世居嘉善是為太夫人曾祖祖

諱爾坊學官弟子有聲於庠以子貴贈官考諱鑑倫官少宰三世聞於時禾中推曹氏望族太夫人爲少宰第四女仁而明道少宰尤愛憐之少宰與冢宰文敬公同官翰林相友善許以太夫人作配相國康熙歲庚辰嬪於京邸逮文敬公出撫中州語及太夫人曰新婦賢其偕往有濟及太夫人卒太夫人隨相國自都門扶匱歸佐治喪葬庚寅文敬公 予告南還助供子職相國得益肆力於學乙未春文敬公疾篤相國方隨計北上弟杞亦官京師太夫人侍湯藥唯謹逮彌留屬續餘舍治衾絞幃幕以歛以奠無幾微憾服除相國成進士改庶

吉士授編修

世宗憲皇帝卽位越四年丁未奉 命督學貴州就其地轉廉使明年調江蘇不數月開藩湖北又明年填撫安慶旋以左都御史 內召卽有讞獄江山之 命旣還 朝晉司空協辦相事攝司寇自丁未至此凡九年中間所奏之績文章政事南諧北燮所治之人鬼羅犵狔林蠻洞蠻吳儂楚僮所踐之地重岡疊砦深箐惡溪山川坱圠所閱之時虐雪饕風炎氛鬱律郵程動以月計相國節鉞所指太夫人靡弗從居則土俗不一其宜賓從僉僕不一其類每位變而適中以輯柔其內政行

則舟車交瘁未嘗以勞告且時能節宣相國起居
今上踐阼以相國爲

先帝簡畀大臣遂正揆席秉國鈞者八年痰疾作力請
解退歸里第四年薨徐氏三世鼎貴相國以清節聞于
天下祿賜優厚而豐賈無常時太夫人絜禋祀收宗族
尊師卹故枝柱內外黽勉有無恒不使相國知相國薨
後諸子稟母教內歷鄉尹外任州縣恂恂慎守不肯受
一無名之錢清寒如素門傳所謂貴而能貧者乎太夫
人卒於乾隆二十有四年三月庚子壽七十有八以相
國貴

誥封一品夫人嗣晉

封一品太夫人男七人以烜太常寺卿之煒二品廕生
翼燕光祿寺署正出後叔父杞荀龍雲南鄧川牧殿恩
順天府治中應衡襲雲騎尉山西靈石令履端國子監
生女二人適霍邱教諭張宏浚太子少師兵部尙書梁
詩正孫十三人孫女四人曾孫四人曾孫女二人皆詳
見相國墓誌銘曰

昔在名畢左右王室翳獨內德純也婉婉壺範闡乎前
聞欽茲嬪則作儷偉人稟靈富媪象德厚坤川流淑問
光榮吐縈蹈和納順益大其門有命自天肇錫魚軒

處豐能約在貴而貧如何不淑孀星夜昏畢如填如華
表蠹雲實維相國之幽宅貞同穴於青珉既固且安蕃
我後昆

封太孺人袁母陸氏墓誌銘

母平湖陸氏文學時雍女歸同邑袁府君種玉舉三子
曰廷瓚曰安曰載麟府君爲名諸生以文教授旁郡邑
母聘里先生爲諸子師躬菲食飲而事師如嚴賓銅槃
異饌之奉屣勉有無十年如一日族子來學者均體一
視或翼而長之率厲婢媪相從夜績鐙火熒煌絡車紡
輒聲與誦讀相間凌晨趨諸子起就塾疏記其勤惰府
君歲時歸舍舉以告請致賞罰故諸子畏母猶父然卒
就儒業始時家故貧自母勤於操作耕織有餘資稍稍
益買田宅積十餘年家漸起急戚黨之困寬佃戶之負

仁恩四周家法峻整康熙歲在庚子十月一日以疾告終春秋四十有五蓋先府君十年卒營兆未卜也安與余同門友善連中科第出宰劇邑奉遵母教務以寬大化民傷母懿範不彰于世數以貞石之辭爲請余惟易稱嚴君兼父母之謂後世寢失斯旨母能以嚴成其慈袁氏儒風不替而保世滋大是中銘法其葬也以乾隆某年月日在俞家浜之新阡銘曰
袁維名父爰立師道母也克紹匪怒伊教暢我儒風蔚爲女宗徵銘考實不文以質後賢繩繩鑒此堂密

封太恭人馬母陳氏墓誌銘

乾隆二十有九年某月日祁門馬曰璐將葬其母陳太恭人於廣陵某鄉之原手南昌萬學士承蒼所爲傳述母行事甚悉先期請爲誌且乞銘按傳恭人江都世族年二十來嬪於馬贈朝議大夫幼撫府君以禮接之實爲蓬室時洪太恭人生二子矣長曰康早殤次曰楚府君伯兄聘汪氏髡兩髦而遽卒汪氏之死靡他貞柏舟之節曰楚之當後伯兄禮也贈公求嗣之心甚迫恭人連舉二子曰瑄候銓主事加二級贈祖父如其階洪太恭人與恭人均得受封曰璐候銓知州 名試詞科不

肯就與余同歲有名贈公未及者而棄養顧恭人而言
曰吾祖碧筠公前明諸生治經有聲吾子皆可教必令
其以文學顯名贈公既歿恭人益延名師友督誨二子
以學曰瑄曰璐不以俗學繕性而志不求時名清思竅
渺超絕塵壒親賢樂善惟恐不及方聞有道之士過邗
溝者以不踏其戶限爲闕事恭人益庀酒食給僦從流
連竟日夕以申緇衣之好勾甬全吉士祖望吳興姚文
學世鈺錢唐厲徵君鶚陳布衣章仁和張孝廉燬皆天
下士也恒主其家登堂拜親申論古義言泉濬發恭人
從屏後聽之喜曰吾子如此可以慰先人之志矣恭人

性仁愛洪恭人有女卒哭之過時而哀曰楚遺孤女幼
親鞠育之迄嬪高門鍾念不置恭人之卒也歲在甲子
月在乙亥日在戊辰日瑄艱于子曰璐有二子振伯振
仲以振伯後兄銘曰

猗與母儀洞識本元提攜二雛笙典珠墳行仁蹈義蔚
爲清門劬躬有造下報厥考奧隅永藏坤德彌藻刻辭
貞石求世可道

周節母倪孺人墓誌銘

會稽周先生澹客高才不遇遊京師歸鬱鬱以死孺人
倪氏疾乎醫藥歿乎葬埋育其遺孤子女以至遂長俾
俾爲嫠者三十有五年康熙庚寅用老疾終有子曰鉞
守先人之遺訓行身無玷尤學不爲俗儒而薰人以善
狀母苦節請於朝大吏來旌其門有孫曰大樞次大母
事爲傳傳云母姓倪氏其先浙之上虞人五世祖凍明
進士歷守四郡有績可紀從曾祖元璐徙家會稽爲明
忠臣父運雯博學高隱娶於周孺人其長女幼卽謹於
言笑舅氏曰倪爲舊門兒莊靜中禮法宜爲吾家婦年

二十二來嬪於周逮事王姑承其歡所天不祿慟絕不
入勺飲從君姑言匿哀茹痛居窮而貞大樞生三歲而
失恃孺人以大母母之恩斯勤斯罔或不周君姑遭疾
煩辱之事萃焉濱於危無怠色居喪哭泣過時一目失
明俄而病劇鉞瘁於醫禱至嘗糞以爲驗嗚呼孺人以
節以慈其子以孝君子謂爲難方孺人葬時納壙之石
未有辭也大樞曰大母百行維苦節之以苟銘句於壙
不啻駿曰然銘曰
以育其良再世而章發聞幽光母也不死有庾黔婁記
在惇史

邵母應孺人墓誌銘

文學復菴邵君旣棄養孤寶階寶勤卜兆於普福嶺之
東乞銘於天台齊少宗伯猶未窆也越八年而德配應
孺人又卒時乾隆戊子八月二十二日也壽六十有八
寶階等將以臘月二十二日合葬於是嶺之原麻衣竹
杖面深墨踵余門而泣告曰齊公志吾父行事詳矣而
未一言及母也孝慈恭儉吾母之庸行悉數之更僕弗
能終也姑舉其要惟子一言吾母爲不死矣余視其狀
孺人系出慈溪前明侍御太室之曾孫處士玉書女也
事繼母服勞奉養能竭其孝提攜兩弟有恩年二十三

來爲邵氏婦和於後先得繼姑歡篝燈佐讀綫續箴管
未嘗頃刻離左右辨色而興長裾椎髻猥屑煩辱之事
莫不躬以爲復菴得肝氣疾稍拂意則色然怒孺人巽
顏受之弗校也疾亟脇不貼席食不甘味夜禱請以身
代逮不起捨呼累日夕嘎而不能出聲委頓至數月而
後復家稍裕孺人搯作猶不怠子孫婉言以節勞諷則
曰民生於勤勤則不匱吾非好勞也吾懼汝家之匱也
子婦踧而請代姑可之雖逸勿逸雖休勿休精神意指
恒若始來爲婦時終日蔬一盂一布衣經年不肯易子
婦婉言以過儉諷則曰惜食有食惜衣有衣吾非惜衣

食也吾懼汝輩衣食之不繼也勗兩子以學母敢一日
舍業以嬉束身禮法咸能自樹以續成復菴之志嗚呼
孺人劬躬以燾後迹其所言證之前史所載賢母有其
言所及亦有其言所不及者悉記之以爲型家者法後
有劉向杜預其人者可采而述也銘曰

母翼兩子以有立恩斯勤斯古莫及吁嗟史筆果誰執
苟傳賢媛母當入嶺路東趨勢屈摺元武鉤陳相拱揖
宛宛同穴啓荒隰寒日韜光百蟲蟄鼠年牛月月加廿
奇零二日吉永襲無有後艱家道給子孫繩振兄弟翁
負版哀哀齊不緝血淚洸瀾如霞集冢人斧蒞且莫急

翠琰鐫華墨猶濕

此處為書寫墓誌銘的欄位，目前文字模糊不清，僅能辨認出一些零星的字跡。

先姊吳母杭孺人墓誌銘

姊姓杭氏吾先君可庵公長女五世祖自上虞徙家于杭遂為杭之仁和人性至孝方三數歲母夫人王遣微疾輒盤辟牀第間號戀不忍暫去稍長授孝經女戒通論孟大義工楷書指示九章算輒立曉先君治外凡米鹽凌雜一以委姊無毫髮遺誤佐母氏供中饋暨燂鬪泝沈絲枲縫紉之事咸有法則淑慎之儀笑不見齒足不踰柵親串間行慶弔禮端默終日不肯妄持面見男子年十九歸同邑吳銘為繼室初先君慎于擇對欲得謹愿誠慤之士培厚福者為相攸時銘方鰥居玉貌溫

潤退然如不勝衣言訥訥不敢肆試以事井井遂因其
請而許之姊既歸吳氏敬于尊嫜先後之間謙約惟恐
不後視諸姑如女兄弟吳氏羣從同爨者幾三百指無
間言性勤簡于自奉又所育子女多自乳旋得血疾每
病姊量水稱藥博求醫術凡所以扶壽隄疾之道靡
不至歲間三四病病輒良已今年自知不起促走使迎
吾母曰母來吾相見祇此矣母持之慟而神色不異摒
擋家事清晰如平時歿之日猶以不及終事舅姑爲恨
云生於康熙甲戌四月十三日歿於雍正辛亥九月十
五日年三十又八子男子二文源文漢文漢幼慧後數

月亦殤女子子一字朱某月日姊聳卜葬於某山之原
其弟世駿爲之銘銘曰

孝友愷悌蓋莫如姊碌碌者生而令姊死有嫜者女括
髮離襪踴身投棺必欲殉矣強抱持之幾毀其齒幼兒
瑤環若奪乳只爲煦嫗焉雪涕不止哀哀慈母老令哭
子子何人斯執筆銘此

封一品太夫人楊母柳太君墓表

太夫人姓柳氏山東歷城人文學諱溥女來嬪於楊實
爲 贈光祿大夫公蒲府君之配入室卽以賢孝聞君
姑呂太夫人病癱久不治奉養惟謹劑殺之齊不假手
他婢妾比卒哀毀幾不欲生君舅傑字府君以廣西左
江都司僉書投簪歸里值歲荐饑斂家所有爲粥以食
餓者日且數萬計憂不能繼太夫人斥賣奩具佐之事
賴以濟所全活者無算客晉人也五十無子自貿遷來
歷下謹愿可倚贈公遇之厚爲聘良家子旣委禽女閱
不肯所得金又垂手盡母計窮奔號太夫人前以情告

太夫人哀許之別選於他竟焚要契贈公好施子待以
舉火者衆姑姊妹之取求者太夫人應之無倦色子弟
貧不能就學贈公開塾招徠之太夫人時其食飲煦嫗
覆育隱若慈母卒多所成就無祿贈公早世諸孤半猶
髻鬣太夫人專爲嚴君翼而長之文通武達發聞清時
賢勞庶官折衝萬里移孝教忠 朝命屢賁 綸綍稠
疊履寵慮危以故諸子中無有墜行玷先人者旣踰大
耄神明湛定乾隆九年三月二十日考終懷安署遞棺
歸里以例得人會城哀榮旣兼典禮斯備子男子七人
大中穀城令先卒大勳滁州知州大凱寧夏總兵大鏞

歲貢生大紳昆明令大崑懷安令大立張家口副將孫
男二十三人承重者大中子嘉賓孫女十一人曾孫二
十五人大勳以公事至錢唐交余厚某年月日歸將葬
太夫人于長清縣金村峩嶧山之左穿贈公之封祔焉
伐石表墓請文以示久遠嗚呼庇家事裕後昆賢母所
同也迹太夫人前後所行事毅然有古烈士風予不文
耻爲媿嬰之辭誰山灤水聞大書深刻其不媿矣乎

太君姓施氏山陰良族仲和公長女也年二十有八繼
 室于唐逮事君舅撫前室子有恩事新齋府君無違言
 年四十一卽喪所天摺挂內外婚嫁子女以節儉隆其
 家以慈惠溥其施以詩禮嬪其業諸子皆克有立亡何
 仲季先後蚤世太君鬱伊震悼櫻其天倪精氣內鑠疾
 不可爲以乾隆十有四年十月十七日棄養春秋六十
 有六前室余太君生三子一女學泗國子監生學洄諸
 生先卒學源國子監生爲叔氏後女適諸生柴濤太君
 生二子一女學清國子監生先卒啟升副榜貢生女適

唐母施太君墓表

太君姓施氏山陰良族仲和公長女也年二十有八繼
 室于唐逮事君舅撫前室子有恩事新齋府君無違言
 年四十一卽喪所天摺挂內外婚嫁子女以節儉隆其
 家以慈惠溥其施以詩禮嬪其業諸子皆克有立亡何
 仲季先後蚤世太君鬱伊震悼櫻其天倪精氣內鑠疾
 不可爲以乾隆十有四年十月十七日棄養春秋六十
 有六前室余太君生三子一女學泗國子監生學洄諸
 生先卒學源國子監生爲叔氏後女適諸生柴濤太君
 生二子一女學清國子監生先卒啟升副榜貢生女適

舉人孫涸孫二人詩李詩杜太君賢明有高識疾旣亟呼啟升而誥之曰曩者而父及前母之葬也不慎蟻穴其幽堂繼復改窆於楊秀之隴厪而得妥神明之道宜專以靜遷掘發露鬱陶于余心我死將必穿先人之壙而藏焉是重震撼之也合葬非古耐之不如其離之也苟擇不食之地理我足矣啟升泣而識之行營高敞焦勞奔走閱十一載而得吉壤於青山之陽乾隆二十有四年龍集己卯十月廿有二日得以畢窀穸之事奉狀謁余而言曰禮經掇拾於灰燼之餘而云合葬非古其然乎其不然乎余應之曰奚爲其不然也生今之世吾

不敢反古之道以時與勢斷之喪期有定限塋兆有廣狹年壽有修短境遇有豐嗇先王體孝子之心而不使之傷通變禮之窮而不徇乎俗意至深厚也太君以安先人之魄兆爲計而不牽於同穴之私愛識加于人一等矣余特表其大者而以揭於墓兼以破今世言禮者之拘其辭曰

惟古有禮不合葬士喪踰月卽營壙義取妥幽母震蕩毋泄地脉役巧匠後世德薄慮速詢區區聖周苦挨傷五父之衢事非創異室同穴頗近誑吁嗟唐母識高廣治命數言理甚鬯哀哀嗣子泣勿忘行營一紀心悒悒

青山有原兼輿曠崇岡逶迤枕繡嶂左龍右虎勢交讓
宜爾子孫百祿貺楊秀之家鬱相望豐碑四尺準古樣
鏡詞詰屈簡且當表母懿範百世止嗣風墮風甚於前
之誠其德也
善矣余於夫其大深誠以誠然墓兼以慈令世言
夫人之誠非為情而不卒然同穴之味愛猶賦
之份應變雖之演而不離平谷意至將賦出
於中言亦於誠誠誠亦豐齊矣王謝表子
不姓又古之德以神與楚禮之喪陳存

李母朱孺人墓表

南礪智朗禪師俗姓李氏少歷貧辛實倚母氏以活出
家為浮屠道力精進來主理安方丈欲報母恩以大顯
其賢行撰具行狀求余一言諾而未果也既十年矣乾
隆甲申春師買地於江寧鳳臺門外改葬母骸屬吳隱
君樹虛銘其幽復敦余為墓表嗟呼有諾責而不能已
食言之愆余不得辭師之孝與母之慈可沒而不彰乎
乃據狀而為之系曰母姓朱氏江寧望族性婉約父善
因名曰善女年十六歸同縣李君令聞生三男一女而
季早天令聞儻慕嗜酒不事生產家日落孺人泣諫再

三不聽跳身走江右聞歲不歸孺人貧乏不能存活寄
女於兄公所攜二子自隨藉十指以給饘鬻有盜夜入
其室伏蔽幽隱爲母窺見乃左挈大兒右挾利刃呼曰
室貧如洗徒讐我兒吾不與俱生矣舉刃欲擲盜聞驚
竄鄉里服其膽勇往依仲姒仲姒賢割宅舍之冬夜雪
大作尖風鏃紙窗獵獵如猛獸哮鬪少子怖枕母鄰促
母就寢孺人好語之曰汝明日不要喫飯耶語甚酸楚
不自知其夜之深也早夜操作尪弱漸不支姑從兄公
所來視疾涕泣訣別絮語嗚咽不可了姑袖餅餌與之
食哽塞不能下咽矣呼大兒使前曰吾妊汝時聞辛羶

卽嘔吐媿汝時夢膜拜禮佛汝於佛門有緣宜爲佛門
弟子又令臥足後曰明日恐不復見也語益酸氣息益
弱竟以凌晨泊然長逝時雍正甲辰六月十有三日也
距其生在歲之辛未僅三十有四云大兒遵母命出家
觀音菴旣而令聞歸挈其少子去不復返少子後亦爲
僧族長以孺人非壽終葬之祖墓之外歷四十年乃得
改葬孺人飢劬艱苦其嚔音瘖口之事隱君不及詳也
余卽智公之所述不漏不支以慰孺人於泉路猶孝子
之志也智公以澹泊撐拄祖庭以樸實了徹大事以文
字報荅母恩宜銘以彰不朽銘曰

之湖北參學使者幕歸益大困余與諸老聯吟招入南
屏之社山條水葉之間孤僧秋士笠屐往還而珠淵亦
頽然就暮矣荒街破屋擁一老妾賣畫營餐而炊烟屢
斷其涼踽可想也病不能興遂以卒年七十六孤樹元
貧不能卜窀穸恐余一朝溘逝莫有能銘君者先來乞
銘銘曰
匪命之舛而謀不臧嗟所如之輒蹇而詩獨昌昌其詩
莫謂並世人不知青山白雲堪自怡白楊撼撼酸風嘶
魂兮歸來空閨蓬鬢淚盈把陰蟲絮砌霜繡瓦

欽天監博士張君墓碣

君諱永祚字景韶號兩湖世爲仁和人籍錢唐者自君
始隸郡學爲弟子由錢唐也曾祖岐然廩生後出世名
載邑志祖元時邑諸生父奏邑廩生自君以上五世皆
列膠庠獨君數奇不得一當母徐處士士俊女通曉星
學甫離孩抱卽夜從母仰瞻五緯已異凡兒長益究悉
占天其宿習也天竺山中農家有女不肯妄許平人得
青一衿始可有欲爲君蹇脩者而君年近立猶困童子
試謾以博士弟子員應遂委禽入贅從予假襴衫攝盛
而往久而察其非也且泣且訕督之攻苦益力交河王

學士來典浙學旋被知遇而君儼然真爲諸生破涕始
爲一笑無錫嵇公以大學士總制浙閩求能通知星象
者以應乾隆二年二月 明詔試君策立成數千言大
器之薦於 朝授欽天監博士始棄諸生服一再引
見占候悉驗寓大學士公訥親賜園公無子使參三命
微諷以脩德致福而公不能自克君察其不可久居稍
稍自遠會 詔刊經史華亭張司寇照薦君校勘二十
二史天文律歷兩志用君所長也書成方俟議敘而君
遽乞假歸取平昔所著天象源委足成之凡二十卷一
卷言象理二卷言象法三卷言象度四卷恒星五卷占

時六卷至十卷占歲十一卷命法十二卷求地平宮法
十三卷月離十四卷命理十五卷西法十格十六十七
卷選擇十八卷風雨占十九二十卷分野而以董仲舒
祈禱晴雨附將錄成以呈 乙覽而君不及待也某年
月日卒於竹竿巷萬氏清白堂之寓齋年六十有口無
子族子果葬君於龍井之新阡以孺人李氏祔有女能
傳其學嫁諸生沈度其書在度家今度夫婦皆死恐遂
湮沒故詳著其例於篇後有通知其意者可以述也銘
曰
屈首經生非所長抑志測驗道乃昌歸而沒命於此藏

視浙學餼君於虞庠深陽任閣學來典浙試賓君於鄉
飲稍稍穎露矣而未竟其所蓄也計偕報罷而疾作觸
熱遽歸時本生母吳太孺人猶在堂知不起恐遺母憂
恒自力叔兄泐來視霜華繡丸秋氣襲人手挈絮衣衣
兄彌留數語酸楚不可述則念阿嬀不置也年僅三十
有一時雍正八年九月八日也妻爲贈通奉大夫歲貢
生王諱元斌第三女無子以兄泐次子郡庠生蕙繼余
與君居同里以文會者五人曰吳□曰江源曰汪浦君
年最少而先死余齒長而尚存才者不必壽壽者不必
才固也君文不磨死可也若余者千言萬語無一字可

以傳卽極之上壽其爲無一字可傳如故也於世爲不
足重輕之人造物不斥斥斬其死生脩短也而君之於
才刻削暴殄不留餘地以處後人庸衆所驚爆而造物
之所媚忌也宜其死也嗚呼銘曰

噫乎萬夫有才不售不售何傷而疾不瘳噫乎萬夫不
憂其疾而憂其親之憂至性醇篤追前修藤緘三束土
一邱骨體瘠瘦文貌貅銘辭搜搜如清秋設我不爲誰
其優

明經王澹和墓碣

王君澹和淳懿溫茂生有賢喆之資從余年友勗聞王
先生遊學不泛涉能以經術經世務作為歌詩不煩繩
削自合規矩不幸死矣年僅四十有九時乾隆歲在戊
子六月二十四日也訃聞士友奔而視含斂者以百數
三黨之被君恩禮者悲號聲殷牆屋澹和身後無餘財
非有所幾望也明年仲春望後諸孤柱等葬君於楓樹
嶺之新阡來乞銘嗚呼世儒夸毗為文諛墓中人辭多
失實余與澹和交在吾為忘年以君之制行余雖北面
而猶恐不足當君意也班固不受金蔡邕無媿色是非

道古堂文集卷四十七
明而心術正言無枝葉信而可傳必矣乃爲志曰君名
德溥字容大一字澹和其所自勗也士友曰名爲實賓
澹和之稱故當不復稱前字云家世山陰山陰之王望
出太原高祖思林公始遷錢唐父鈞筮仕當爲州邑親
民之官不就母羅孺人有賢明之聲克篤生君葑光蘊
靈將熾而大君寡兄弟終身孺慕事親孝執喪哀行營
幽窆犯寒暑披荆榛至十稔而始獲吉地於蓮華峯下
琴城甫峻病已不支令友人陸飛寫種松圖以寄哀君
之事親之道盡矣山陰宰樹屢爲盜伐訟於官每庭鞫
輒號泣自責聞者酸感寘盜於法割田俾族人植松楸

奉蒸嘗俾勿翦拜外王母無後生於我乎養歿於我乎
殯姊氏早寡割宅以居之撫二甥如己子族母誓柏舟
之節請於有司聞於 朝獲崇臺綽楔之旌君之親親
之誼備矣勗聞已所師也茨檐王君爲諸子師相繼殂
謝經紀其喪兼及其身後與人交吉凶緩急未嘗以亡
爲解或至盡歡而不能全交君惟自咎而已未嘗較曲
直也君於師友之間無遺憾矣而吾於君獨求備者篤
於行仁而不計財之贏絀勇於爲人而不辨世之貪廉
至於財絀事沮貪夫徇財而忘義鼠牙雀角鬪堂鬪室
迫進嗣子使不得寧處觀過知仁君子不以是咎君貽

謀之不善也君娶於李先卒有三子曰柱曰樞曰椿易
簣前索紙書一詩凡數百言以戒子神明不亂靈光炯
然銘曰
與田蘇游而曰好仁方之前古有其比律之晚近無其
倫天道無親常與善人於其子孫不於身嗚呼身雖不
顯道則伸

林阮林墓碣

醫與詩分道而馳各有所難能兼之者古無其人也啟
元子王砮爲少陵內弟而未嘗許其能詩劉守真張潔
古王海藏李東垣朱丹溪著書滿家而詩無一字以余
所知吾鄉之兼擅者有二焉張遂辰卿子早謝諸生業
業醫自給所居至以名巷蓬門白下諸編氣高體潔清
流之望歸焉陸圻講山名冠西泠十子以黨禍避跡吳
中謁病者如市陳處士引倩采菽堂論詩提唱風雅士
論翕然著錄盧號易之門不得其活人之術信矣能兼
之者之難也海寧林元字阮林其伯祖大文判太醫院

世宗在潛邸嘗令其療閭微君百詩之疾名著儒林大
文以醫顯而其弟鴻暹官陳州牧卽君之祖也考諱世
俊雲南永昌府太守君十齡而隨官陳州又六年而侍
父往永昌二十而奉永昌之諱未幾而陳州之訃亦至
自滇至豫崎嶇萬里克襄大事其識定其膽堅也歸里
踰年而母氏吳恭人又卒哀毀之餘卜地於黃鶴峯下
葬其兩世堂斧削成松楸行列人咸慶永昌有孝子陳
州有順孫也旋以墓近杭州遷家會城癸丑之秋余自
京歸里與結湖山之社曛黑至君舍卽止宿雞黍之供
咄嗟而辦捶琴刻燭未嘗不達曙也君詩清深有理致

拔奇於韓鏗洵炳煜淺衷者讐焉深心者喻其甘苦也
性通悅不問家人生事偶營什一輒被欺給婚弱弟嫁
孤妹屏當箱篋先人宦橐罄矣輒思以賣藝償還其故
物余爲曹邱游說百篇之秀句不能博一餅之金生計
大困素難向所熟習張仲景巢元方兩家之書橫豎穿
穴啟其秘鑰此卽君囊底之智也非甚危急之症不肯
妄詣人時俗工林列以李仕材張景岳爲枕秘而君所
切究者皆華陀褚澄孫思邈許叔微唐以前之書與語
輒舌咋頸縮處方量藥爲羣醫所側目以故道貴而術
不廣余以君清思決之而知君之於醫真金匱之真言

而玉機之微義也張卿子陸講山而後得君而鼎峙矣
大宅鬻於人屢徙皆不稱意孫君隱菴嘗濟君於阨而
又前死汪編修韓門遠遊保定余畱滯廣陵獨倡無和
妾頑而嗜酒拂鬱之事閒見層出腹脹如鼓堅不可摩
病十四日而遂卒乾隆歲在丙戌六月七日也年僅五
十有八書潤屋藁老眉集其詩也讀書識字錄意並餘
輝文選難字其雜著也醫學精蘊叢書方歌袖鏡醫門
撮要醫學辨難其醫術也兼工寫生山水花鳥皆入逸
品娶於王先卒一子名霖明年某月日葬君於臨平山
之鮑家渡來乞銘銘曰

天元玉冊上古所傳四言肇始先三百篇非雅非頌妙
得言詮後有作者莫或尚焉惟詩與醫其途本合天師
少師各著問荅或昧其源妄肆尊沓方心拙辭品類遂
雜極命草木遊心黃義是惟詩伯乃可爲醫洞見癥結
洗腸劑肌是惟良醫乃可爲詩維長林子家以醫顯改
而說詩知言之選吁嗟道衰世無和扁靈蘭玉版待子
而闡胡君十全而不自謀神達理舛鬼與命仇鮑家之
渡有土一邱夜臺寂寞無人倡酬

沈房仲墓碣

昔眉山蘇氏父子兄弟自相師友史冊書之以爲美談
吾鄉沈氏其殆庶幾乎東隅先生爲海昌查少詹聲山
愛壻其作合也以詩有子三人次公房仲則沈氏之東
坡也浙西白朱檢討竹垞殂謝海內之稱詩者以海昌
二查爲巨擘房仲少從初白翁遊繼又采獲於查浦侍
讀初白稱其含英咀華宮商協奏不難步武香山凌鑠
蘇陸而侍讀亦無異同之論其族叔歸愚亦謂視天地
間無結轡不可解之事亦無哽咽不可道之辭士林以
爲篤論房仲流覽旣富遊歷漸廣南踰嶺嶠北抵梁齊

過都歷塊以沈雄磊落不可控抑之雋語一洩其胸中之奇凡從學於查門者未有能過之者也初白翁有女孫愛其才遂請爲繼室盧吉士六以序東隅先生之詩引謝師厚以女妻黃魯直事以目少詹查浦又述其語以目初白余謂授受淵源卽繼以婚姻之好遠自聖門而燉煌繼美韓之李漢朱之黃幹均斯義然則海昌爲沈氏兩世之壻鄉謂吾舅者吾謂之甥爾雅釋親有四而房仲居其二以母黨則彌甥以妻黨則館甥也房仲在兄孟公弟菡林之間無腰鼓之誚菡林觀察登萊提刑齊豫宦轍所至遊屐必偕家庭燕語朋友遊處獻酬

羣言抒寫獨得皆以詩爲職業若起居服用之不可須臾以離又若飲食男女之不可一日以廢溥心瘁力歲月耗磨欲詩之不工且富其可得乎歸老窮鄉有孟東野之窮無張子野之壽其可哀也亦所以成其爲詩人菡林葬君於某山之原謂余曰吾兄辱與子厚志墓之文非子莫屬余曰諾房仲名心仁和諸生家嘉善有孤石山房集系以詩曰

君貌不揚詩最工清氣盎盎蟠心胸墓門樹檟號寒風中瘞瘦骨如青銅瘦骨或朽詩不朽斯語請質初白翁

康熙歲在甲戌六月八日也琦文獲旌入忠孝節義祠而孝女不得請何也琦文之孝顯孝女之孝隱顯者可以辭達可以筆述官司可據以入告隱則深知者能信不知者不信也又非可人人強而與之語又非可人人強而使之證也兩楹之殯閱九年歲在壬午某月日兄子有曦始克葬於硤石祖塋西偏蓮滙之原碣曰孝女吳淑士之墓女徹環瑱願養父母如北宮之女嬰兒子之所爲母哀其志贅同邑朱氏子爲壻女故朱氏婦也宜稱婦說春秋者曰婦者從乎姑之辭也孝女不及事姑無阼階著代之文無三月廟見之事孝之名縣而

無薄不屬於母而誰屬也孝於母在吳則爲孝女穀梁子所謂以我禮之也以我禮之則猶然女而不婦也女不婦則婦之不可也會子問女未廟見而死如之何孔子曰不遷于祖不祔于皇姑歸葬於女氏之黨壻無御輪之迎父無反馬之致魂魄得依所親聖人之所不禁通儒之所不議孝女之孝雖九原不隔也然則可祭於祠乎古無其禮也古無其禮而吳氏行之所謂禮以義起也考有宮而孝女無子奠有牖而孝女無女無子無女而有若敖之餒是吳氏之愍其祠也所以酬其孝也諡曰淑士義何居也詩曰釐爾女士女有士行則與

凡爲女者有閒孝女讀書明大義從伯兄學潛心經術
非聖之書不觀吾志其墓據經以立言孝女之士行見
孝女之純孝亦見系之詩曰

惟孝有五不及婦人男統乎女聖經不云女嫁曰歸義
在食貧有舅有姑至死服勤偶或歸寧不能終身抑搔
疴癢勢不得伸北宮嬰兒冠古鮮倫至老不嫁志在養
親脩川女瑩降靈自天依母爲命若將終焉母爲擇對
不送之門婿焉出贅女不往嬪母疾危厲食不下咽蛾
眉宛宛含愁而顰量水稱藥斟醕等分時其起居時其
夕晨時其消息忘寢與飧洗手作羹味邁八珍母飲而

甘母食而芬回翰造化收召魄魂以女精氣益母元辰
綿八寒暑沈疴頓捐醫工咋舌技窮而歎歎女純孝驚
猶天神母則痊矣女則瘵矣神離形瘵大命莫延偏親
號咷伯兄涕漣兩楹布奠有文一篇誦女力學非聖不
觀生孝猶易死孝實艱俠堂斂阼褻衣不陳漆鐙無光
總帷久懸葢塗不啟凡閱九年兄子猶子葬之新阡蓮
漚之兆松柏萬千謚曰淑士告於几筵碣曰孝女表于
隧埏敦我一老據經立言春秋書法禮堂舊文虛公酌
議誄辭璘爾煒我彤管以俟愍綸

子職者有然也遺孤就傳出而揖客余曰是兒卽趙氏孤兒耶恂恂善士誠知母賢孤旣長主家一稟母訓克孝厥祖久之主事君棄養孤子承重盡哀而有禮平居晉接故舊父之執友如其父祖之執友如其祖余觀其孤更有以知孺人之以賢母兼父道者又然也乾隆二十三年 勅封孺人二十四年秋疾卒年五十有一守志二十八載 朝以節孝旌其閭嗚呼若孺人者其無愧乎斯旌矣子一人樹元國子監典簿孫三人承熙承烈承勲孫女六人二十六年辛巳春樹元扶服衰經稽顙于門請曰不孝有祖父之喪咸未卽窀穸無敢渴也

謹筮三月二十五日將權厝吾母于八盤嶺之原唯公知敢乞銘銘

是厝也于道爲權權焉用文然古有行之者今何爲不然匪余文之不朽繫節母之德賢母賢可傳後有銘視此磚

周母蔣孺人權厝志

孺人蔣氏元公之苗裔中吳之舊望父羽彩有名太學
娶於周卽孝廉爲壻從姑也孺人生稟清姿長捐俗尙
前豐後約婉孌順遇年十九來嬪顯族是爲重親執筭
而見君姑降自西階以室事相嬪摺挂內外俾孝廉獨
全性天溫清之餘雜誦而已檢誨諸子不貽世羞再執
斬齊之喪色容劬悴母氏隨兒之官沒命瘴域中情盡
傷遂致勞瘵如何不淑春秋五十有二喪高柔之賢妻
叙孫楚之哀誄古今同喟青史氏可得而記也卜壤不
吉越五年權厝北郭拈花舍旁乃爲志曰哀淙響咽元

跌卽而視之死矣公與物無競不以憂感滑其天倪而
年不躋下壽後嗣中絕豈稟於天者薄與抑命也銘曰
嗚呼我公淳淳而生悶悶而醉胸無城府口不臧否
名非所懷亦不言利狸骨少方玉貌孔悴四十五年不
得行意葬公高原嘉耦維二石屋岫嶸北嶺拱翠

先叔祖墳銘

家語 翰林詩 世錄

口味 林世錄 大宗賦

後古堂文集卷四十八

先叔祖墳銘

叔祖爲曾大父敬字公第三子諱士珍字寶森爲人敦
重不佻年二十六喪施孺人遂守義不再娶晚得風疾
步履不能過十步坐臥一室左壺右觴獨自斟酌康熙
庚寅十二月某日以壽考終牖下年六十有八葬石屋
嶺之新塋銘曰
目鰥鰥行蛩蛩篤義不娶表彭風疾引年酒扶壽言無
玷尤行不繆六尺幽宮八尺櫬滿覺衙南石屋下元陰
晻靄奠三雅誰其尸之從孫也

知壽終二部瑞其只文於終也
壯大子不學六只幽宮八只野謝費濟南不感不示劍
日難難許室運餘遠不更表遠風起用平酥并壽吉燕
壽二祥望餘日
庚寅十二月某日以壽終終不年六十有八葬不氣
世風不指獸十去坐烟一室空靈古獻賦自博酒泉照
重不將平二十六喪誠壽人教守善不再變即壽風起
味脈然曾大父道中公後三千騎士魁宇實壽人燒
夫味脈融融

志伯兄殯

乾隆甲子天不憖遺奪我家督七月二十六日伯兄子
復先生以疾卒於大方伯里先人之廬猝無以歛假北
堂之美櫃附身無憾踰月殯於昭慶寺側民家喪車辭
廟執引而行者數十百人過舊里祖奠者又數十百人
有行哭失聲者嗚呼布衣紉履之士何以得此於人也
兄性慈愛事親孝母性嚴急語不合叱詈隨之怡顏順
受無忤色與人交財不私一錢疾病之不能醫藥者死
亡之不能棺槨者傾筐倒庋與之不過問也祖母王兄
若弟貧死無後外祖父母暨舅氏兩世不克襄葬事購

地於石屋之陽春秋窳窳以成先大人之志其見於施
設者此可以例也吾同母者三人伯姊未四十而死伯
兄不獲臻下壽吾以憂患頽落之身如枯株病葉縣綴
於世其可久恃乎兄有子三人皆未有樹立書此貽之
俾他日揭於墓焉

節姑許母杭孺人墓甄

姑歸許宜與夫合葬夫墓迨不足以容則將祔於皇姑
而許氏之墓無隙地則將買地以葬而姑子死孫天血
膚中絕許氏無可謀者例以戴媯大歸之義則葬姑非
余莫適爲主也余嘗卜幽窆以妥三殤在西溪割其右
以葬姑而爲之記曰姑爲余祖考贈文林郎翰林院編
修諱士璋之次女祖母王太孺人所生年二十嫁許君
懷遠二十九歲而夫死家無寸絲斗粟先府君哀而迎
養於家佐吾母鞠育吾兄弟姊妹有恩義先府君爲娶
子婦生孫漸立家室年六十餘條其苦節以達於有司

得旌於 朝余與修全省通志列其姓氏於列女計姑
一生得吐氣者惟此一節爾不十年而姑以天年終而
子旋卒三孫皆夭飲冰茹檠貞之數十年而不獲報吾
於彼蒼不能無憾幸而遲不肖以後死而體魄不致無
依則天心與善可推也不記歲月不刻樂石書丹於甄
納於幽壙而存余文於家乘哀母之節也

三殤瘞甄

余有子十人而殤其六第三男寬仁游於庠婚於室而
卒不祿爲立後記曰子不殤父弗殤爲所後地也將卜
地而葬之而未得第四曰宜仁五曰容仁六曰定仁七
曰宥仁十曰宜仁其中有長殤有中殤有下殤桐棺纍
纍殯於淺土恫然有餘慟焉西溪有不毛之地以三十
干易之不筮不卜不封不樹次其長幼而先後瘞焉無
行誼可紀無文章可錄無聰明穎悟可憐念慈愛之念
減而悲傷哀悼之情衰止報服之制闕焉而不脩非恣
也事就其簡而禮從其殺亡於禮者之禮也嗚呼以余

之不德也幸及於寬宥而天不卽降之罰凶瘞天札洊
加於童幼而貸余於緩死使之得終事太夫人而無終
天之憾然則是諸殤者先後代余受罰皆謂之仁人孝
子可也瘞之埋之天地之心父母之責於是乎在不可
以不志而系之銘曰
爾曹蚩蚩靈幽體翳魂氣則無不之葬之中野以畢吾
父母之恩志之銘之以抑吾無窮之悲死而有知抑其
無知嗚呼哀哉
余育子十人而處其六策三異實口誠然舉散俄墜而

三壽教訓

女夫丁秀才停棺誌

停棺何以志創也禮大斂畢而殯今人之殯在野古人
卽家而殯夏后氏殯於西階之上殷人殯於兩楹之間
周人殯於阼古者棺必有槨槨外敷木而塗以泥累以
甒甒是謂殯仁人孝子見棺而痛親之不見無時之哭
不可節也故大夫三月士踰月必葬葬者藏也欲人之
不得見也故先之以殯而殯非久制也况不殯而至於
久則死者有暴露之憂而生者有目瞿之感違禮而干
律不祥莫甚焉吾於女夫丁秀才之死而不能已於言
也秀才名健字誠叔隱君丁敬之長子未冠隸郡庠爲

弟子故不稱其名而曰秀才名終則諱之義也秀才從
學使者校文於江南老屋被吳回之災賃屋而居死焉
隱君既得新宅必將殯秀才於野而後遷禮也隱君剛
復卽移其柩於新宅屢言之而不從而末如之何也未
幾隱君死家貧春秋窳窳之事未卜也余與吳城汪沆
皆其石交謀於其次子傳三人願經紀其喪而傳復如
其父斷斷然設爲迂遠而濶於事情之論余又莫如之
何也秀才謹而愿詩才秀飭而語訥訥然如不出諸其
口吾愛之修秋楔於吾寄巢老成宿學如朱太守樟周
徵士京金副使志章厲孝廉鶚皆在出技角力而秀才

以末座少年詩獨擅場余修海塘志於脩川挈之偕琳
宮梵宇憑高發興秀才與余相應和未嘗不出余意外
也旣又辭余獨往脩邑志於金谿體裁鴻整而吟興尤
高歸與余門人陳侍讀鴻寶薄遊廣陵守風揚子聯吟
百韻希風韓孟無媿色焉性嗜飲癡發於尾閭醫多言
不救余延之貳室而令余女時其興居飲食年餘漸起
余時時諷以止酒而不能自克省余於廣陵畱止月餘
勸之熟文選鐙光晃耀眼花不能辨難字歎其早衰而
精氣薄心竊憂焉別去數月而訃至余哭之慟祝予之
悲累月逾時而不能自己將俟其葬銘以抒余哀而耄

不及待爲志以昌其詩城與沆聞之有同慨也

其後文獻雖出吳職知亦不始於此矣其是寧而
余報部歸以士歸而不始自彼矣亦不始於此矣
下蘇余政之預室而令余之知其與蘇亦不始於
百辭余風神孟賡數言談出部皆蘇公其間嘗有
高繼與余門人相會始知實屬蘇公對守風懸于細如
少時又補余繼若補邑志飲金亦歸然歸理而令與
皆贊守慈高公與表木與余林懸亦未嘗不出余意
其未與也乎高繼與余愈感其志其前出筆之辭也

詩僧亦公塔銘

西湖山水甲天下精廬淨宇基峙星布方袍圓頂之徒
率皆舍內學孰吟事意其林棲谷隱絕遠塵瑤必有超
妙清悟之旨如慧遠洪偃其人者以吾所見僧伽持四
分戒本十地羯磨結制苦行者往往而有詩律之細不
下禪律解脫繫縛排竿蔬筍十不得一而求之於吾鄉
尤希錢唐亦公名上緒亦諳其字也貌癯骨寒持行清
苦無世僧拈槌豎拂之習智光內映元理獨超破戒作
詩發中機的鄉之詩人若陳撰金農厲鶚符曾施安皆
樂與酬和居士汪潭等請主葛嶺之涵青院久之去遊

京師晚主相國寺雍正甲辰以病示寂有盃後集十卷
其徒慎機等葬之南山來乞銘銘曰
惟公學人早受記荊木食草衣不糲而殖具大願力以
禪爲詩屈眴偏右九僧是師曾潭不波石罅微坼天風
忽來響振林葉靡提不已悉檀無方惟此五字獨得瓣
香悠悠吟朋願言則噫謂上人語故有秋氣雲掩水流
一笠遄返罷鉢無聲韻在青簡在昔寒拾祖英瀑泉石
門潭津梵夾是宣請勒公詩藏以佛腹東林之後來者
可續

賜紫住持南屏淨慈禪寺瑛虛大師塔銘

師諱演中字大恒後改明中又字瑛虛桐鄉施氏子生
而茹素七歲出家秀水楞嚴寺從師某薙染某早世師
祖含明教之讀儒釋兩家書穎悟非凡雍正十二年遊
京師受具 皇戒

世宗憲皇帝於千僧中選留有根器者二十二人侍講
佛樓師在其列復於二十二人中選得四人師又在其
列 特旨住吉祥苑池南叅究禪學

萬幾之暇日必一至查問課程訓諭詳切

聖意於師尤篤 恩賜手勅數千言發明本地工夫及

杖鉢如意法帖等物未三年
龍馭上賓
今上御極奉旨出居許各還本籍乾隆四年得法無
闕永覺禪師始易演爲明蓋從玉琳國師四傳支派也
六年主席西湖聖因寺寺爲
聖祖行宮供奉龍牌百寮肅謁永爲香火繡嶺屏圍花
隄帶繞招提崇煥冠於諸刹十方仰師清望檀施雲集
接衆安單日常至數百人師指挂內外香積無缺三門
倚爲龍象住持十年山陰道俗介邑侯舒瞻請師駐錫
乾峰寺智杖暫臨旋歸湖上移主上天竺方丈天竺香

市盛于補陀爲僧伽所豔羨禪鑽百計羶附莫由師爲
諸大吏所引重清望彌彰纖塵不染罷鉢無聲法雲徧
滿十六年三月四日 翠華南幸駐蹕寺中 御製七
言命師仰繼日未移晷恭進一律并進 聖駕南巡頌
十八首冊皆畱覽十一日

聖駕再幸天竺師具奏上中下三竺皆土人習稱懇
皇上勅賜寺額蒙 恩賜名法喜寺 宸睠俯臨天章
下賁與雲林淨慈並峙從師所請也是年冬進京祝
皇太后萬壽 賜如意一握二十二年移住淨慈

聖駕南巡獲邀 賜紫二十七年

南巡復賜紫 御書片石孤雲窺色相清池皓月照
禪心對聯三十年
駕幸淨慈三次 賜紫 御製詩一首水光山色一合
相暮鼓晨鐘二六時借問閣黎消蓋飯孰爲本分孰爲
詩卽寺中手書以賜刊石寺中雲漢昭回照耀山谷爲
前此住僧所未覩慶師遭際者猶津津溢齒頰焉三十
二年患嗽上氣之疾命法嗣實蔭代理淨慈院事養痾
乾峯病劇諸門人迎回淨慈次年二月一日示寂僧臘
五十一世壽五十八辭世偈云五十八年一報周謝家
活計霎時收披袈赤脚千峯去不問蘆塘舊釣舟建塔

慧日峰下八月二十二日丁丑入塔方外之交獨余未
死則銘不得辭也師天性冲夷耻與物迕併拂蕭然健
椎不設而戒律精嚴道風秀世柳子厚所謂以儒通佛
者近是餘事爲詩性海湧現間涉繪事妙參三昧得其
片楮者咸知寶重或以畫禪詩聖目之夷然不屑受也
晉有林遠唐惟禪月反覆比擬庶得髣髴士友以爲實
錄云銘曰

七歲出家唐惟楚金伽盧七歲亦投叢林天欲不交永
離垢淫童真梵行根器乃深楞嚴刻藏富有梵夾半滿
字參一冊易挾智珠在握蓮性不致以清淨身求了空

道古堂文集卷四十一
十一
法定慧具足戒律尤高心腑灑練脚跟踏牢千山行脚
發願打包用賓法王慶師所遭奉經佛樓天厨施食花
雨禪機侍

帝紉繹飛錫西湖四主法席紫衣三錫輝映佛日翳此
西湖秀絕寰區五山十刹環峙四隅有教有律與禪攸
殊苟能見性異途同趨青山巒巒白雲油油春非我春
秋非我秋消受盞飯孰非

帝麻奄忽示寂仍然首邱漆龕旣封石塔斯築慧日哈
呀風氣完淑萃然一抔覆若夏屋泚筆銘幽絜我不辱
三界沈寐必有摠持踈梅幾朶清泉一支天光偶發溢

而爲詩水流花放師其在茲

此處為空欄，可能為刻錄或印刷留白。

住持秀溪龍翔寺嶺雲大師塔銘

萬峯山房樾堂和尚退院地也宗鏡毗連雷峰當面旋
螺而入拾級而登浮嵐暖翠近挹几席故南屏之奧區
而棲禪者之桑下矣樾堂家法不廣收徒衆一派單傳
粗承衣鉢而已嶺雲大師則其法嗣中師子兒也師名
篆玉字讓山嶺雲其號仁和萬氏子年十七投淨慈雍
染受戒昭慶嗣法雷巖傳臨濟正宗第三十五世貫通
義疏精研戒律雍正十二年遊京師和碩莊親王招
住海澱法界觀心佛堂十三年四月十二日侍郎海望
帶領引見奉

旨速還會同永覺禪師超盛清查加封妙圓正脩智覺
禪師法派仍住萬峰本色住山游情翰墨善鼓琴工行
草句法摩圍生峭可喜或者目爲教外之支流余特以
禪宗正覺許之佛本行經言太子方入學卽問師六十
四種梵書大樹王子彈琴對佛香風萎花爲首楞嚴絕
妙好辭天親無著以造論之才一轉而爲寒拾青蘿吠
犬東坡追步不及張無盡以居士反附契嵩以傳詩有
別才豈非性光中光明藏哉普天下堂頭根塵昏淺撥
取陳羹土飯輒作拈椎豎拂之語刊布語錄相去殆不
可以由旬計矣余獲宥歸耕卜宅清平山下惟時詩壇

諸宿老皆康強無恙繼入社而代興開設壇坵實肇始
於南屏折脚鐺邊烹葵燒筍施天龍之食師有力焉山
舫落成焚虛大尊宿爲畫壁一堵清吟抱膝韻播菽林
雖片席地與五山十刹莊嚴樓閣相聳峙則詩禪兩絕
也乾隆十六年德清令李芳榕請住棲水之大善寺
六飛初幸江浙制府遴選道德清高十僧迎鑿以備
顧問師在其列

聖主回鑾送至碧天橋垂問後卽遣內大臣賚賜小
元寶十錠誠異數也山門淡泊損衣縮食爲衆僧謀粥
飯不暇一住十年不萌退院之志二十五年桐鄉陳令

虞盛請住秀溪之龍翔爲地藏菩薩道場貧瘠畧如大
善樂其閒靜師卽以爲安禪立命之地若將終焉三十
二年重九日作辭世偈云來無一物去無一物快活七
九逍遙自得卽於是日入滅并說封龕偈云天地爲屋
日月爲築復闢一龕以悶幽獨世壽六十三僧臘四十
六詩名話墮凡十卷南屏續志一卷補前志所未備也
某年月日將反葬於南屏孫心舟先來告期且請銘乃
從彼法而說偈曰
來無一物去無一物請參一轉不添一物物外有琴可
以寫心有詩有筆自寫所吟師具三者住此精舍散聖

安禪遭世譏罵哀哉世僧百無一能造作語錄調謾莫
懲或頌或偈或拈古德蠱惑愚蒙妄據法席假如說詩
嚴過律師叅大乘禪異於辟支無所能以性鈍故以
識闇故媮不學故移情理性超凡入聖形和氣和心正
筆正遡師傳衣相契甚微旣入於機又出於機師非無
言遺著滿室木脫潦清秋澹無迹我行南屏禪扉晝扃
巾拂挂壁雙丸不停磻語幽修風簫斷續松柏九九長
閉幽躅緩諷二偈音如雷震師乘化盡我猶爲人諡德
累行誅而不哀師一死哀胡爲哉

